

A KITAM TUIKHOLNA



Topa, ka um hi, Topa, ka um hi,
Na khempeuh piangthei hi, Topa, ka um hi.

Tawlkhat sung dingin i lute kun ciat ni.

² Topa Zeisu aw, hih la sa kawmin, Nangma tungah kong kiniamkhiat uh a, ka um uh hi. Kong ngen uh hi, Topa, tun, kote tungah a kibalkham Nuntakna Anlum Nong zop suak ding, ka kisap uh, Na Thu pan kote tungah ka ngah nading uh hi. Zeisu' Min tawh kong ngen uh hi. Amen.

³ Na tukik thei ta uh hi. Kician mahmah ing, i hih kul leh, *amen* cih kicina khempeuh kammal ka gen kul ahieh leh, a zahtakhuai Pasion' thuphate in hih mipite tungah hong om lai ding hi.

⁴ Tu zingsang tu in hih kikhopna hun ka ngai hi, teci pannate zong nuamsa ing, khatciat in a tuamtuam genkhiatna a neihte zong zaknop sa ing. Tua ciangin hong paithakte, Baptist sanggampa in tua telkhialhna a neihte hong thuumna hangin zong zaknop sa ing. Tua ahieh manin mihing tungah ka lungdam takpi a, mihing cih a kicing mi khatpeuh, ahkl—ahkl a zahtakhuai pasal kicing tungah, amah in khialhna a bawl lam a theih ciangin tua pen thupi hi. Aman kei tungah hong thuum lian lo a, a thuum pen keimah hilo-in, Pasion ahie hi. Tua ahieh manin kei—ka lungdam hi, mu hia. Pasion in i sanggampa, leh ama' evangelist sanggampa thupha hong piak sak ta hen.

⁵ Kalai, tua Baptist, na thei, kei pen Baptist pawlpi ah ka om ngei hi. Kei pen Missionary Baptist Pawlpi member khat ka hi ngei hi. Mite lakah ka pai ciangin, bangci na om uh hiam cih ka thei hi. Ken zong tua mah bangin om ing, ka kidim a—ka thei kei hi.

⁶ Michigan ah, Dowagiak ah, ka tuahkhak masakpen ahie pentecostal khat ka muh phawk ing. . . Hong maisak pak un, Indiana state ah, Dowagiak panin hong paisukin nga beng dingin ka pai, tua Dowagiak ah hizaw hi. Tua ciangin motor-te leh nate tungah mun khempeuhah “Zeisu” cih minte ka mu a, tua ni a kikhopnate uh ka ngai hi. A zingciang amaute in tokhom ah pai dingin hong pai uh a, kam tawm gen dingin, ken zong ka hih hi. Tua ciangin ken. . . Amau bang pawlpi na hiam cih hong dong uh a, ken zong Baptist khat ka hi cih ka gen hi.

⁷ Tua nitak pen mivom khat in hun zang ding hi a, amah pen kum sawmgiat val dingin um ing, amah zong tokhom ah hong kahto hi. Tua putekpa, amau amah pen hong paipih uh hi. Amah pen, Pasion nasepna puante khat silh a, tuumul puan sau khat silh a, a kimkot ah ganhing mul kang tawm omin

kibawl hi. Tua ciangin ka ngaihsun a, “Hih mite khempeuh hiah LST siam vivete, mi lian, amau hih kikhopna pen hi dan mi khawng banghang zang sak dihdih uh hiam? Putek khat pen mun khatpeuh ah tutphah tungah a tu ding hi lel hi.”

⁸ Tu ni in leitung ah Zeisu hong paina thu amau hong gen uh hi. Tua ciangin, ahizongin amah in a thulu pen, Job :7, 20, ahi kha tam maw, kician takin ka thei nawn kei hi. Ahihangin, hih pen mun khat mankikna hi a, tua kim khat, “Leitung ka bawl lai-in koi ah om na hiam, zingsang aksite in la sakhawm uh a, Pasion’ tapate in lungdamin a kiko laitak koi ah na om hiam?” Tua ciangin amah in Vantung ah thupiang gen a, tua laitak amaute in leitung ah thugen uh hi.

⁹ Tua ciangin mun khat, a thugen zawh minute nga khawng ah, Topa’ Kha in amah lawng a, amah pen hong diang gawp keei a, a khete tawh diang latlat hi. Kalai, inndeit tampi om a, hih tokhom tungah a lang khawng; amah pen hong pai a, tua ciangin, “Ka thugen nading mun kicingin na nei kei uh hi.”

¹⁰ Kei pen, kum sawmni h gual khawng khat ka hi hi. Ka lungsim ah, “Tua putek pa ading bawlsak ding ahieh leh, kei’ ading bang hong hih sak uh tam?” Mu hia?

¹¹ I sanggam thakte’ ading nakhempeuh kituak takin i lem phat tangin, i kipawlkhopna ah amaute lum takin i muak hi. Ka mu hi, hiah siampi khat a tu hi cih a gen uh ka um a, ka ngaihsun a; hi hi, Irish hihna tawh, ka mite pen Catholic ahi uh hi. Tua ahieh manin nupa kop zong om beh a, Baptist leh a tuamtumte. Tawmcik khat bel na lungbuai pian kha ding hi uh teh. Sanggamte kuamah in tua tawh kisai genlo hi cih ka thei a, ahizongin kician sak sawm ding hi cih ka ngaihsun hi. Sanggampa Shakarian in ah. . . Thugensiapa in lungdamna tawh kidim kawmin hiah omin, Topa hong paikik ding nai mahmah hi cih thei kawmin a om khith teh, amah—amah in eite tungah kamtuam pau in hong pau hi. Tua ciangin a kamphente in a khiatna hong gen uh hi. Tua, LST in, “Kamphen a om kei leh, amaute daitakin om uh hen” ci hi. Ahizongin amaute in pau lamdang pau in tua khith ciangin hong letkhia uh a, tua pen kamsanna hong suak hi. Tua ahieh manin hun khat sungah tua mi nihte pen buaina tawm mahmah pah hi. Tun, tua pen lungbuainapi hilo hi, mu hia; banghang hiam cihleh, tuate khat in a khiatna gen a, a dang khat in kamsang hi. Mu hia? Tua ahieh ciangin. . .

¹² Ka lungsim ah i sanggamte theitel sak ning ka ci a, amau a theihitel kei uhleh, banghang hiam cihleh tuate khat in mantakin pia a. . . Tuate khatciat in hun bangzah ciangtan hiam cih na cianteh kha uh hia? Tua ciangin a dang khat pen, amahlemah, Pasion’ Kha tawh kidim mahmah a khat pa tungtawnin kamsang hi; letkhia hi, a dang khat in a khiatna pia hi. Tua ahieh manin tua pen kician kha ding a, tua. . . eite bel hilo hi hang. . . Khatveivei, pianngei lungsim ah. . . Tu zingsang i sanggam manpha pa in

thuumna hong neih bangin. A theitel lo khat adingin lungbuai huai pian hi. Ahizongin gal kidona ah a kihel ngei mite, eite in banghang, cih i theitel a, hih nate bang hiam cih i thei hi. Tua ahih manin tua tawh kisai thu khat gen ning ka ci a, a lem leh.

¹³ Tun, hih thu gen nading mun bel hilo cih thei ing. Ahizongin mi khempeuh in a gengen thu ahihna tawh kizui-in, ken . . . Na thei, tua lawmpa in a genna ah, mivom pa in, “Ka thugen nading mun kicing na nei kei uh hi,” ci hi. Ka thugen nading *hun* kicing na nei kei uh hi. [Mipite in khut beng uh hi—Ed.] Cimtaakhuai zaw hi.

¹⁴ Mi khat in ni khat hong hopih a, “Pasian nasem khat hong paito a, amah pen a pawlpi ah kum sawmni h bang pastor sem khinzo hi. Tua ciangin a pawlpi ah Nipini zingsang sim minute sawmthum lian thugen den hi,” hong ci hi. Tua ciangin amah in, “Tu Nipini zingsang, aman nai thum zang hi.”

¹⁵ Tua ciangin deacon board in amah sam a, hi bangin ci hi, “Pastor aw, nangma tungah lungdam takpi ung.” Tua banah, “LST leh a thuneihna ah na dinkip lamtak ka thei den uh hi.” Tua khith ciangin, “A tawntungin Pasian mai-ah a siangtho leh a nin baang lo dingin kote nong hilh hi. Tua manin nangma’ tungah lungdam takpi ung, Pasian’ nasem na hihlam kong um uh hi. Tu zingsang thupuak nong genna hangin ka lungdam mahmah uh hi. Ahizongin,” ci a, “kong nget nop uh thu khat om hi.” Gen lai a, “Hun kong ciangtan uh hi, deacon board khat hihna tawh.” Tua ciangin, “Nipini zingsang sim, minute sawmthum ta na gen lianlian a, tuni pen nai thum sung na zang hi.” Tua ciangin, “Tun, phawk in, a neng a tawng tungah lungdam ung. Tu ate pen hoih hi.” Tua lawmpa tungah gen pha uh hi, na thei.

¹⁶ Amah in, “Aww, sanggamte aw, tua pen bangci dan hiam cih kong gen ding hi.” Tua banah, “Zingsang simin ka pai ciangin . . . Pulpit ah kei pen hong kisas hi,” tua ciang, “Ka kam sungah Life Savers kici muamkhum tangno khat ka koih a,” ci a, “tua pen ka tawp hi.” Tua ciangin, “Life Saver a bei ciangin,” ci a, “tua pen minute sawmthum khawng sawt hi,” ci a, “tua khith ciangin ka thugenna ka khawl hi.” Aman, “Na thei uh, tu zingsang, ka hun bel khengval kha cih ngaihsun ing. Ka siakhia a, ka kam sungah angkilh ka muam hi,” ci-in dawngkik hi.

¹⁷ Ken bel bangmah koih sawm keng, tua ahih manin i ip sungah angkilh pawlkhat neilo hi hang. Ahizongin eite pen . . . Hiah a siangtho dingin lameng keng. Ahizongin ken . . . Na thei, Pasian nangawn zong lungdam kipak thei hi, na thei.

¹⁸ Tua ahih manin hiah i om pen lungdam mahmah hi hang, hih kipawlkhop hun ah, tua ciangin hih Nuntakna Anlum balkhamkik dingin hamphatna ngah kha leh, keima zia lel bangin. Ka thei a, LST siamte, hiah England pan zan nitak thugen pa pen; ka, tua bang mipil khat ii nungah thugen ding pen, ka laitan tan sagih bek tawh cih pen nasa ing. Ahizongin

Pasian in ka lungtang sunga gennop thute note tungah hong hih ding hi cih ka lamem hi. Mu hia? Ka kammalte pen a dik kei a, ka ngimnate bel, dik hi cih, muang ing.

¹⁹ Tun LST simna nei ni. No mi tampite in zong na zui nuam uh hi. Tu zingsang kong sim ding pen, tawlkhat sung, Jeremiah Laibu pan, kamsangpa, a lian 2nd ah, a neu 1st pan kong sim ding hi.

Tua banah TOPA kammal kei tungah hong tung a,

Pai inla Jerusalem zak dingin va kiko in, TOPA in hih bangin ci hi; Keimah in na khangno lai a na dikna, na pasal ding a nong itna, bangmah a kituh lohna gamlak ah kei nong zuihna, mothak banga kei nong itna ka phawk hi.

Israel in TOPA aa dingin a siangtho hi a, ama' neihsate lak a gah masa ahi hi. Amah a valhtum khempeuhte in Pasian tungah a khial ahi hi. Tua mite tungah siatna lianpi tung ding hi, TOPA in ci hi, ci in, a ci hi.

Jacob innkuan le Israel innkuan khempeuh aw, TOPA thugen za un.

TOPA in hih bangin ci hi: Na pu na pate un kei tungah bang khialhna mu a, kei kiangpan gamlapi pialkhia in, kimanna nei lote zui in, amau mahmah kimanna nei lote suak khin uh ahi hiam?

Amaute in, Egypt gam pan eite hong paikhiatpih a gamlak kantan in, sehnelgam le dumpite, gamkeuna le sihna liimte, kuama kantan ngei lohna, kuama teen ngei lohna munte kantan in hong makaih. . . TOPA koi ah om ahi hiam? a ci kei uh hi.

Keimah in gamnuam a singgahte le na hoihte a ne dingin tua gam ah note kong paipih hi. Ahizongin note na lut uh ciangin ka leitang na ninsak uh a, ka neihsa na kihhuaisak uh hi.

Siampite in, TOPA koilai ah om ahi hiam? a ci kei uh hi. Thukham a theite in kei hong thei lo uh a, ukpите zong kei tungah hong khial khin uh hi. Kamsangte in Baal min tawh kamsang uh a, phattuumna a nei lo nate nung a zui uh hi.

Tua ahiah manin keimah in. . . note kong mawhsak lai ding a, na tu na tate zong ka mawhsak lai ding hi, TOPA in a ci hi.

Banghang hiam cihleh Cyprus tuikulh kantan in va en un. Kedar ah mi paisakin limtakin kan unla, tua bang thu a om mah hiam cih va kan un.

Minam khat in pasian taktak a hi lo. . . a pasiante uh a khek uh hiam? Ahih hangin ka mite in amaute

minthanna pen phattuamna a neilo nate tawh a khek uh hi.

Vantungte aw, hih thu ah lamdangsa unla lau mahmah un. Nakpi in linglawng un, TOPA in a ci hi.

Banghang hiam cihleh ka mite in siatna nam nih bawl uh hi: Amaute in nuntakna ciktui ahi keimah hong taisan uh a, amau mahmah in tuikhuk to tawm uh a, tuikhuk keh in tui a vung thei kei hi.

²⁰ Topa in Ama' Kammalte simna ah a thuphate hong behlap sak ta hen. Tua panin ka thulu dingin, *Tuikhuk Keh*, cih zang nuam hi.

²¹ Tu zingsang hih LST sim ciangin; LST khempeuh pen humopna tawh hong kipia ahi hi. Thuhilhna ding leh theihitel nadingin Topa' Inn ah i pai hi. Tua ciangin khat veivei eite in i mu a . . . lampi ah tawmcik bek i mu hi.

²² Hih galkap lam mipa, ni dang, eite kiangah hong gen pen, leh thu pawlkhat hong gen a, gam dang pawlkhat in thau tangpi nei kha ding uh a, ahkl ngaihsutna hoih zong nei kha ding uh hi, tua ciangin eite in galkapna lamah i langpan theih nading khat i neih kul hi.

²³ Tua mah bangin pawlpi khat ah zong kizam a, mi khat in a thuhilhna mun ah ahkl amah pen gam sungah evangelist khat ahleh leh. Aman langpannate a muh ciangin, leh thu khat hong kipan a, a naupang hun ahkl bangbang ahi zongin; tua pen amah hi a, Pasian' nasem khat ahieh leh, mihing' lungsim pan a gamla sak a khaktan ding na tua panin amaute kem ding hi. Tua bang a pian ding i ut kei a, tua bang munte ah i lut nuam kei hi.

²⁴ Tun, Jeremiah hun sung, a kamsanna, Isaiah—Isaiah sih hun a kipan kum sawmguk khawng hih tuak hi. Tua ciangin kamsangpi khat a neih loh uh pen kum sawmguk bang hi ta uh hi. Habakkuk zong om a tua kamsang bu neute zong om uh hi, ahizongin Isaiah pen a nunungpen kamsangpi ahi hi. Mite in hih hun sungin, a sap ding uh khat zong neilo uh hi. Amaute pen vakthap uh hi. Ahieh hang, amaute pen Pasian' mite hi uh a, hih dinmun ah hong tung uh hi—cih pen i mu hi, Jeremiah in amaute tungah kamsang hi. Tua ciangin Jeremiah in zong. . . Amah in saaltan hun ma kamsang a, tua ciangin amaute tawh saaltang khawm hi.

²⁵ Tua khit ciangin, hi hi, Jeremiah khit ah Daniel hong khangkhia hi. Tua ciangin Daniel in LST a theiheltnate tawh, amaute tualai ah a om ding thu kum sagih ci hi.

²⁶ Hih, amaute lakah kamsang dang khat om a, tua in hih hakkol bawl nuam a, a ngawng ah koih nuam hi, tua pen a no khat hi ding a, kum nih sungin, Pasian in amaute samkik ding ci hi, ahizongin Jeremiah in tua panin a tuamdang thei hi. Tua ciangin kamsang in a maanlo in kamsang cih i thei a, tua kum

mah in amah si hi. Tua ahieh manin Pasion in amah ding sak lo hi.

27 Tua ciangin tun tua hun a mite dinmunte i ciamteh thei hi. Tun nong telkxialh loh ding ut ing, ke—ken, tua. . . hiah ka gen nop thu pen, LST pawlkhat leh ciaptehna pawlkhat hi.

28 Ka LST pen ni dang gelh dingin ciamteh ngeilo hi ing. Ahizongin kum sawmnieh-le-nga a nih veina ka tun khit ciangin, ni dang danin phawk nawnlo hi ing, tua ahieh manin LST munte ka ciapteh kul a, tua panin ka pai nading mun ka thei hi. Tua khit ciangin cinate' ading leh a tuamtuam hun dingin hun tampi ka zang a, paikhia-in ka thusin nading hun tam ka ngah zo taktak kei hi.

29 Tun, ahizongin hih kamsang lianpa, pen Jeremiah hi a, tua ciangin amah pen Amos leh kamsang dang tampi dan mah in hong khangkhia hi. Amah in a minam' dinmunte hong muh ciangin kilok gawp hi. Tun mun pawlkhat. . .

30 Minam khat tawh kisai na gen ciangin, mi pawlkhat tungah tua in kawkkik kha mai ding hi. Tua dan hilo hi. Minam buppi dinmun ahi hi. Tua ciangin, tuni, i mu a, Jeremiah hun lai tawh tehkak ding dinmun hi lua hi, minam mahmah, milim biakna ah a tamzaw hong pai khinzo uh hi; tua dan, Pasion kiangpan paikhia ta uh hi. Tua bangin hihna tawh, pulpit' thanemna ahi hi. Banghang hiam cihleh pulpit in tang takin om kip hileh, Pasion Thu tawh, Pasion in hiah eite lakah a gamtat bangin pawlpi kim ah gamtang ding hi. Ahizongin amaute pen tua pan lampial uh hi. Tua pen ka—tu zingsang ka gen nop thu ahi hi. Tun khanghun simah tua pen hi taktak hi cih i mu hi.

31 Tua pen Amos hi ding cih ka um a, ni dang amah ka kaww ngei hi, aman amah pen “kamsang khat hilo, kamsang khat ii tapa zong hilo” ci ngei hi. Ahizongin hiah, “Hunpinelkai bangin ham a, kua in lau thei hiam?”

32 Mi khatpeuh in gamlak ah humpinelkai taktak a hawk a zak ngei leh, hiah a buuk sungah a haam na za hi. Ahizongin gamlak ah a haam khat a za khat in, nakhempeuh in awlmawh hi. Gammang tulak ah tuate beng dingin ka pai khinzo hi. Tua ciangin amah pen gamsate' kumpi hi a, humpinelkai a hawk ciangin, sialkhum nangawn lampai nawnlo a, nakhempeuh dai hi. Gam uite leh tua keivom dan ganhingte ku veva uh a, tua ciangin ganhing dangte, leh ngaute leh zawngte, sialkhumte, tua dan na zak theih ding namte; ahizongin a gamla sim khat ah humpinelkai hong hawk a, tua ciangin sialkhum nangawn tang ngam nawnlo hi. Mu hia, na khempeuh in amah lau uh hi. Ahieh hangin, amah a that thei na tampi om a, ahizongin gamsate lakah kumpi bangin amah kithei hi.

33 Amah in, “Humpinelkai a hawk ciangin, kua lau lo-in om thei ding hiam?” Aman, “Tua ciangin Amah a pau ciangin, kua kamsang lo-in om ding hiam?”

34 Tua ciangin tua pen, ka um a, tuni tua dinmun mah hong tung hi. Pasion paukhia khinzo hi. Mu hia? Kawm tungah khutgelh i mu a, tua ahih manin kamsan ding pen ol mahmah a hun nunung ah i omlam i mu hi.

35 Tua ciangin pawlmin peuhpeuh panin Pasion i mu a, Catholic kalsuanna panin kipan, protestant pawlpite khempeuh ah, Buddhas leh a tuamtuam, India pan, tua ciangin a om bangbang, Amah in a mite kaikhawm a, kigawmkhawm sak hi. Tua ni hong tun ding pen ka nuam mahmah hi. Tun eite . . .Tua—tua pen ni thupi khat, i ngah hamphatna lianpen lakpan khat hi.

36 Tua, ka hih kul leh, leitung a pian ma ka thei khinzo ding a, Pasion' pan kha nuntakna i hi a, eite i hi hi, ahangin leitung kipian sak ma Amah tawh i omkhawm hi. Banghang hiam cihleh, Nuntak Tawntungna lim khat bek om a, tua in Pasion hi. Tua ciangin eite pen Ama' khen i hi hi. I theih ding tampi i thei kei a—i ngaihsut theih ding, leh i hihna; ahizongin eite pen leitung kipian sak ma, Ama' ngaihsutnate sungah i om hi. Banghang hiam cihleh, eite pen Ama' khen khat i hi a, ka tapa pen keima' khen ahih mah bangin, kei zong ka pa' khen ka hi a, tua bangin ahi hi. Eite pen Ama' theihkholna tawh, Pasion' tapate leh tanute i hi hi.

37 Tualai ah, tu a ka theih bangin a theithei hizen leng, hun a sawt tan ka en thei khin ding a, tua ciangin Amah in kei tungah, “Bang hun ciangdong na nungta nuam hiam?” Ken zong tu mahmah in hih hun ah ka gen ding a, leitung tangthu a beina ah, Pasion' Kumpigam leitung ah hong kiphuh hun dong ah ka ci khinzo ding hi. Tua khanghun khempeuh lakpan a thupipen hun in, tu hun hi.

38 Israel pen kamsangpa in a mawhsak ciangin, Pasion in amah sawlin a mawhsak dingin va gen sak hi, amaute in mawhna lianpi nih bawl uh hi. Tua a gamtat uh thu nih i gen nuam hi. Tua banah, tua pan, tua pan i lawhcing nuam hi. Tun, amaute in Pasion kiangpan kihei uh a, a nungta Tuikhuk, amauleamau tuikhuk to tawm uh hi. Amaute in Pasion in amau tungah a piaksa na panin kihei uh a, amauleamau in nakhat to tawm uh a, hanciam uh hi. Tua ciangin hih tuikholnate, na ciamteh un, amaute in satkham uh a, tuate keh hi.

39 Tun, a kitam tuikholna khat in tui khol theilo hi. Tua hong keh ding hi. Kei pen lokhawhna pan ka khangkhia a, tuikholna pen bangci dan hiam cih ka thei a, a haksat dan zong ka thei hi.

40 Tua ciangin hih a keh tuikholna pen a hoih mahmah etsakna lim khat hi, cih ka ngaihsun a, tu hun ah, tua (i) na khempeuh i hih sawm a, mi ngah sawm in, mite kaihkhop sawmin, pawlpite kaihkhop sawmin, tua pen khuak lam hanciamna hi tawntung hi. Methodist-te khempeuh Baptist a suah nading, cih bang danin i hanciam a, pawlmin tuamtuam ahi hi. Tua ciangin tua pen Pasion' geelna hilo hi, ci nuam hang.

41 Pasion in kimuh khopna mun khat bek nei hi. Amah in Paikhiatna Laibu sungah a gen inah, tua, “Ka Min koih nading mun khat Ka teel khinzo a, tua mun bek ah mite Ka mu ding hi.” Tua ciangin Ama’ Min a koih nading mun khat Aman teel khinzo hi. Tua ciangin Amah in Ama’ Min a koihna mun, Israel a muhna mun ahi hi. Tuni Amah in Ama’ Pawlpi a muhna mun khat om a, Aman tua Min teel a, tua Min in Zeisu Khazih ahi hi. Tua ciangin thu-um taktak Aman a muhna mun hi a, tua in Zeisu Khazih ahi hi. Tualai ah Pasion in Ama’ Min koih hi.

Nang in, “Pasion’ Min e?”

42 Amah in, “Ka Pa Min in kong pai hi.” Tua ahiah manin tualai ah Pasion in Khazih sungah, Ama’ Min koih hi. Tua ciangin Khazih sungah a kisungkhia Sisan nuai-ah eite khempeuh i kimu thei a, tua in a taktak, kilawmtakna taktak ahi hi.

43 Pasion in a kipatcil ah, Eden huan ah, Ama’ geelna hong bawl a, tua mun ah Amah in mihing mu ding a, tua pen khuak lam theihtelnate tungah hilo a; hi zen leh, Eve in Ama’ geelna tawh kituak sitset ding hi. Ahizongin Satan’ khuaklam ngaihsutna aman sang a, “Hilua, Pasion in hih lo ding hi,” ahizongin Pasion in hih ding ci hi! Tua khit ciangin Aman hotkhiatna mun teel a, tua pen Sisan tawh hi a, khuaklam ngaihsutna tawh hilo hi.

44 Tua ahiah manin eite in huih lak a tum bek i hi a, tua in mihing pianzia hilel a—mite in tua ahiah dingin hanciam ding uh hi. Hun nei hile hang, a nen tampi i suah khinzo ding a, ahizongin tua bang ka deihi kei hi. Tua ahiah manin eite in a kitel theipen dingin i hanciam ding a, “tuikhohla keh.” Tua banah tua pen hong piangkik takpi hi cih i mu hi, tua pen i hanciamna pan, tu hun i nuntakna khanghun lim taktak ahi hi.

45 Pasion nasem khatpeuh kizah lo cih bang omlo ding a, Zeisu Khazih Min a bulphuh minte ahi uh hi. Ama’ Min kizahtak leh kithusim mah bangin amah zong a kizahtak ding kilawm hi. Leitung bup kantan in evangelical kalsuannate, leh tuate, hih ni nunungte ah, ka ngaihsun hi, tua mite pen Zeisu Khazih Sisan nuai-ah amaute i ngah mateng lungsim khat in i pai thei kei ding hi. Eite in bittakin i om nading mun khat bek hi.

46 Mi khat in Nisuahna lam pan, a sawt nailo lai-in hong hopih a, tua ciangin, “Siapa Branham aw, Arizona ah kituah khinzo cih kong za hi, mun muanhuai omna khat na bawl hi” hong ci hi. Thupuak pen bangci hong pai hiam cih na theih bangin, Alaska ah thupiang ding Topa in keima tungah hong gen a, California tawnin hong piang ding thu zong hong gen a, tua lampi ah hong om ding hi. Amaute genna ah, “Tun tua pen kiling hi, nakhempeuh, mun bitna koi ah om hiam?” ci uh hi.

47 Ken zong, “Ka theih mun bitna khat bek om hi. Tua in Khazih sungah hi. Khazih sungah a om mite, tua. . .” Tua bek hi ka theih.

48 Tun Jeremiah pen, “a kap kamsangpa,” zong kici hi. Tua ciangin banghang hiam cihleh, ka um a, hih kamsangpa pen a kahna—a kahna, pen banghang hiam cihleh amah pen kamsang khat hi a (Topa’ Thu tua bangin hong tung a) mite in a tanglai ngeinate uh ultung sak uh a, tua bangin a nuntak uh a muh ciangin, tua mite kiheikik nuam lo uh hi.

49 Ahangin, hih mite pen saaltang uh a, banghang hiam cihleh na vawh bangin na at ding cih pen i thei hi, kuakua na hizongin, na vawh bangin na at hi. Tua banah i minam gam in i vawhsa om bangin, i tuh bangin, i at kul takpi hi. Topa’n hong thukimpieh leh, zingciangin, sun hun ah, *Nausuah Gimnate* tawh kisai ka gen ding hi; tua ciangin tualai ah ka gen ding pen, eima thu tawh bangmah i ngah theikei hi. I vawh bangin i at kul hi.

50 Pasion in tuni a Christian suahna pan i uangtatna tawh eite hong phal hileh, Christian upna kici hih nate sungah mite lampial ding uh a, Siapa Moore in khatvei a gen ngei bangin, “Amah in Sodom leh Gomorrah a haltum ngeina thu hangin hong thuumkik ding hi.” Tua hi, banghang hiam cihleh Pasion pen thutang lai hi. Thutan lohna mun in a neih; tua—tua pen Ama’ sianthona leh Ama’ Thu tungah tua mite in a vawh bangun Amah in a at kik sak ding hi, tua thu eite in zong i zuih kul hi.

51 Tu-in amaute in Amah nusia uh a, a nungta tuite omna Tuikhuk, tua ciangin amauleamau in to tawm uh hi.

52 Tun tuikholna khat pen bang hiam cih a theitel lo ding mi khatpeuh om kha thei hi. Tuikholna khat cih pen mihing-bawl tuibungpi khat hi a, tuikhuk khat tangin a zat sawm ahi hi. Tua pen mi khat in a tawh nakhat hi. Tua ciangin tuikholna khat cih pen mi bangzah in na thei uh hiam? Hoih ei. Hoih ei, hiah tu zingsang khuata pan mi tampi na om uh hi. Tua ahiah manin amaute. . . Mun khat ah tuikholna lui khat ka phawk a, tua a meel puakzia, tua na panin ka dawn ding sim ka lau hi. Tua pen mihing-bawl tuibungpi khat hi. Tua pen muanhuai thei ngeilo hi. Tuikholna khat tungah na kinga thei kei hi.

53 Tun mihing in ahiah nakhatpeuh pen hoih mahmah ngeilo hi. Ahizongin tua dan—Topa in hun a koih—a kipeipei dingin bawl a, tua ciangin leitung zong kipei hi; kum sim, hun sim tua a kantan sim, ni sim, nai sim, ni omna, tua pen kipelh ngeilo hi. Ahizongin i neih theih khutbulh nai hoihpente, kha khat sungin minute tampi khial ding hi. Ahizongin, na mu, Pasion in a hih khempeuh kicing a, mihing in ahiah pen kicing lo hi. Tua ahiah manin mihing sep pen sangin, kicin sawm na hi hiam?

54 Pentecostal mite tawh kisai ka gen zelzel hi. Mu hia, i thei hi, eite pen tua mite dan i hi kei hi, Pasion pan i hi a, tua upna pen i um kei hi; ahizongin eite lakah tua mite danin a kineihkhem sawm mite om cih i thei hi. Tua pen mihing hi lel hi. Amaute in tua zui dingin hanciam sawm uh hi. Amaute in LST sungah zong hih uh a, “Khat in, ‘Kei pen Paul pawl,’ ‘kei pen Silas pawl,’” cih

bangin gen ciat uh hi. Ahizongin amaute in mi khat i hihsa ahkl hih laitak pen mah kineihkhem sawm uh hi.

⁵⁵ Ahizongin tua kineihkhemna maanlo pen banghang sang ding na hi hiam, vantungte ah a lamdang tawh kidim hi, “kamciamna pen note tung leh na tate tungah” ci hilo hiam? Banghang in eite in a tuampi sang ding i hi hiam? Banghang eite in upna khatpeuh ahkl thuzuih khatpeuh sangin, LST pen Pasion’ Thu siangtho sitset cih thei gige napi? Banghang eite in Topa Zeisu in Kilaakna 22:18 ah kuamah in behlap sawm lo ding ahkl paaikhia lo ding cinapi, “Tua a Kammal khat a paaikhia mi, ahkl kammal khat a behlap mi, Nuntakna Laibu pan kikhenkhia ding” ci hilo hiam?

⁵⁶ Pasion in mihing hong bawl masa a . . . leitung ah, Amah in tua mite tungah Ama’ Kammal tawh nungta ding ci hi. Tun Pasion’ Thu pen siikkhau khat tawh kibang a, nang in Tua tawh hell na kantan hi; tua ciangin a siikkhau pen a hoihpenna mun in a kizopna a thanempenna mun hi a, Pasion in a Thu mal khatciat ah eite in i zuih ding hong deih hi. Tun tua pen LST masa hi a; Thu khat satkhapna pen, mihing nuntakna ah sihna khuamial ah hong tunpih hi.

⁵⁷ Zeisu pen LST ii laizang ah hong pai a, tua ciangin Amah in “Mihing in anlum bek tawh a nungta kei ding a, ahizongin Thu peuhpeuh tawh.” Thu pan khenkhat hilo, zakhat pan sawmkua-le-kua zong hilo; ahizongin Thu peuhpeuh, Eve leh Adam te dan.

⁵⁸ Tua ciangin LST bu tawpna ah, Kilaakna 22:18 ah, Amah in, “Hih pan Thu khat a lakhia mi, ahkl Hih ah kammal khat a behlap mi!”

⁵⁹ Tua ahiah manin banghang in eite in mi khatpeuh ii ngaihsutnate Hiah guang ding i hi hiam, hih in Pasion’ Ngaihsutna hilo hiam? Ama’ thugenna eite in i la nuam hi. Hi bangin zong kigelh hi, “Mihing kammal pen zuau hi henla, Keima’ a pen Thutak hi.”

⁶⁰ Tua mah bangin hih kamsangpa tungah thupiung hi. Jeremiah hun lai, amah pen kamsang khat hi a, amah in Topa’ Thu ngah hi. Hih pa in Tua ah banghiam khat guan sawm hi. Tun, tua pen kinga theilo hi. Tun hih tuikhonlate ka deih a hih kalsuanziat eite in i lak sawm khin hi, tua ciangin Pasion’ Thu acil mun ah i koih sawm hi.

⁶¹ Ahangin, Tua mun pen bangmah in la theilo hi. Tua in Pasion hi. “A kipat cilin Thu om hi, tua Thu Pasion tawh omkhawm in, Thu in Pasion ahi hi. Tu-in Thu, cilesa mihing suakin eite lakah hong teeng hi.” Tua ciangin Hebrews 13:8 ah, “Amah pen zanni, tuni, leh a tawntungin kibang hi.” Tua panin eite in bangci bangin phiatkhia thei ding i hi hiam? Tua pen Thutak ahiah kul hi. Amah pen kibang hi. Amah pen ahihna thu bulpi kibang hi.

⁶² Tua thu hangin Tua nuam na sa uh hi, no Baptist-te leh Methodist-te, tua ciangin Catholic leh Presbyterian-te, cihte

pawl in tua Ompihna nuamsa hi. Mun khatpeuh ah, note sungah, Pasion na sang khinzo uh hi. Khat veivei khuak pilna lampi khat ah hi kha thei a, Pasion' Vangliatna na ngah kha ding a, nang pen Pasion' nasem khat na hi hi; ahizongin Pasion sungah na pai theih taktak ciangin, Ama' sungah na mun phawkin, Pasion' tapa ahkl tanu khat cih phawkin, tua in nang tungah dipkuatna lianpi hong tun a, tua dingin Pasion in a ngim ahi hi.

⁶³ Tun Mark a lian 16th ah i muh mah bangun, tua pen Zeisu thugen hilo hi, "Leitung khempeuh ah pai unla, tua ciangin hilh un," ci lo hi. Aman, "Pai unla Lungdamna Thu tangko un." Lungdamna Thu tangko cih pen, KST' Vangliatna lakkhia cihna hi! "Leitung khempeuh ah pai unla, KST' Vangliatna lakkhia un."

⁶⁴ Sanggampa khat ka hopih a, amah pen India ah kikhopna, Bombay ah. . . hong huh sponsor-te lakah khat hi, South Africa leh mun tuamtuamte ah pai in, missionaries te in Tua a hilhna leh pilna thuthuk a hilhna mun ah hi. Ahizongin ni khat kikhopna ah, KST hong paisuk a, Amahmah, kikhopna khat ah mihing tul sawmthum kihonkhia a, amaute dinna leitang mah pan ahi uh hi. Numeite tualai ah ding uh a, a guaktang in om uh a, leitung ah a om uh pen ut bangun om uh a, Khazih sang dingin a khutte uh a laptoh phetin. . .

⁶⁵ KST in tua mun ah hong tung a hun khat sungah mihing tul sawmni leh tulnga damna ngah a, khut sawn leengte, kipuakna vante leh lupnate pan paikhia uh hi. Khuapi ukpa in a zingciang, kei tawh hong kimu a, lampi ah hih vanpuakna motor-te hong en sak hi.

⁶⁶ Tualai ah a ding nupite, guaktangin om uh a, guaktang in a omlam uh thei lo uh hi. Ahizongin KST in amaute a lawn phetin, a ompih a lawm pasal kiang panin taikhia uh hi.

⁶⁷ Tua ciangin ei America in ei-le-ei pen Christian minam gam khat kici thei in, Pasion' Ompihna sungah i om pen ka thei nuam hi; kum sim eite, i numeite in a puante uh suahkhiakhia uh hi. Na silhkik ding uh kilawmzaw hi. Khazih in note hong tuam semsem leh, na dinmun pan khuaphawkna na nei semsem ding uh hi. Khat veivei lampi ah mite gamtatna ka mu a, a lungsim uh a maan mah hiam cih ka thei nuam hi. A om dan uh pen amau phawk kha lo hileh kilawm uh a, a nasep uh, amauleamau dawimangpa' adingin thaang antah khat hileh uh a, a nuntakna uh hell ah puak hi. Tua hi. Ahizongin leitung pen Jeremiah hun lai mah bangun kisiatna sungah tung hi.

⁶⁸ Tun tuikholna ah paikik lehang. Tun, hih tuikholna pen kimuang thei nawnlo hi banghang hiam cihleh kidim thei nawnlo hi. Tua ciangin tual sung guahtui in tua a dimkik ding bek hita a, tual sung guahtuite ahkl tual sung khanlawhnate bek ah kinga hi, *hiah* khanlawhna tawmno khat nei ding leh *tualai* ah khanlawhna tawmno khat nei cih, cihte a kipan, tua a dimkik

ding ahi hi. Tua ahih manin tua tungah kinga thei nawnlo hi. Amahlemah kidim theilo hi. Tua pen kicing lo a, amahlemah. Tua in hih zolo hi. Tua ciangin guahtui hong luang a, a dim ding bek, tua tungah a kingak kul hi.

⁶⁹ Tua khith teh guah zukna mun, tui luanna mun, tuikholna ciamteh ni. Ansaal, bawngbuuk dawn ah tua hong pai a, nin khempeuh tualai ah kihemkhia hi, guahtui lakah tua in sawp a, tuikholna sungah hong pai in, tua mihing-bawl tuikholna ah ahi hi. Tua pen tui uih bual khat tawh kibang phial hi. Tua in ganhing khempeuh omna ansaal dawn ah, buh saalte sung a gimnam pan tua sawp khia hi, tuate pawl hong om hi. Huih in nin leh ansaal mutkhia a, tualsung guahtui hong pai-in sawp a, guahtui hong pai hi.

⁷⁰ Tua khith ciangin tua tui pen mihing-bawl tuikuang tawnin mihing-bawl tuizawl tawnin, mihing-bawl tuikholna sungah kipaisak hi. Tua khith ciangin tualai a tun ciangin, kihhuai a, nin mahmah ahih manin a khaih nading puansia khat a tungah na koih kul a, tua hi kei leh na dawn thei kei hi. Tun, mu hia, a dawn panin mihing-bawl tuikuang, mihing-bawl tuizawl, panin mihing-bawl tuikholna sungah kisawp hi. Tua khith ciangin tua ii dawn ah mihing-bawl a khaihna tawh, namsiate leh nate om hiam cih et nadingin kibawl hi.

⁷¹ Tun, tun ciamteh lehang, tualai ah tui a kikoih zawh ni tawm khat ciangin, hih mihing-bawl kipawl. . . , ahkl, tuikholna ah. Hong thei siam pak un. Hong tel siam pak un. Hoih ei. Tua a kisawp khith ciang, tua dan thu namte a kisilsiang khith ciangin, tua sungah kisawp a; tun eite in i mu a, ni tawmno sungin tua pen luangkha nawnlo hi.

⁷² Tua ciangin pawlpi' tanglai sungah, a thei khatpeuh, Pasion in banghiam khatpeuh a sawl ciangin, thupuak, Pasion kiangpan thaksuak a, tua khith teh tua a bulpi nuntakna khith ah (ahkl bangbang ahi phial zongin, amah pen a puahpha mi na ci zongin, ahkl bangbang in na sam nuam zongin), a sih khith ciangin, amaute in kalsuanna khat bawl a kipawlna khat hong nei uh hi. Tua panin kipawlna khat a bawl khith phet in, tualai ah si pah hi. Hong thokik nawnlo hi. Tua pen hun sim tua tawnin hong pai a, hong bawlkik hi.

⁷³ Hih Catholic siampi hiah a tu tawh kisai; Pasion in pawlpi a pawl ciangin. . . ahkl, tua pawl hilo, Pasion in cikmah hunin pawlpi khat pawl lo hi. Tua dan nasep sem ngeilo hi. Amah suak a, kipawlna hilo hi. Tua ahih manin, Pasion in Pentecost Ni ah pawlpi hong pankhia hi. Tua khith ciangin a tawpna ah Nicaea ah, Rome, amaute kipawl uh a, tua lai ah a Vangliatna hong hat hi.

⁷⁴ Tua khith teh Lutheran kipawlna ah i paisuk a, tua pen na lianpi khat hi. Pasion' Thu pen hong kipia a, "Midik in upna tawh a nungta ding hi." Tua ciangin amaute kipawl uh a, tua zuih

ding sangsikin, tuate khempeuh, tuate khempeuh in mainawt uh a, amaute in Lutheran pawlpi bawl uh a, hih pawl panin amaulemau kikhen uh a, tua khit ciangin si hi.

⁷⁵ Tua khit teh Pasion in John Wesley pen sianthosakna, hehpihna pan kal nihna thupuak tawh khangkhia sak a, tua pen thupi mahmah hi. Ahizongin Wesley leh Asbury khit ah, amaute kipawl uh a, si hi.

⁷⁶ Tua khit teh Pentecostalte in letsongte ngahkikna ci in hong pai uh hi. Amaute pen hoih hi, bang piang hiam? Kipawl uh a si hi. Tua bang lian hi.

⁷⁷ Tun hih khempeuh ii laizang ah, Pasion in a omlai, tua khang mite pan khatciat sam lai hi. Amah pen kician hi. I hun pen hong bei ta ding a, kikaikhawm nawn lo ding hi. Tua pen ka ngaihsutna hi a, Full Gospel Business Men in hih nate zualte sukhhapna ah nasia takin hong sem uh a, tua ciangin, “Eite lakah kilamdanna omlo hi. Eite in Pasion pen kalsuanzia khat nuai ah, kipawlna nuai ah hilo-in bia khawm ni,” ci uh hi. Tua pen kipawlna khat hileh, tu mahmahin hih tokhom panin ka taikhia ding hi. Tua tawh ka hih ding bangmah omlo hi.

⁷⁸ Tua bang hiam, tua pen a kilawmkhop kul a, upna pawlkhat kipawlna bel hilo, ahizongin Khazih sungah Ama’ thawhkik vangliatna tawh kipawlna. Tua in Nuntakna hong tun pen hi a, tua in suahkikna hong puak hi.

⁷⁹ Tua suahna hong pai ma, suahna hong tun ma sihna a om kul hi cih i phawk hi. Tua ciangin suahna khat pen nin hi, a bang nam suahna hiam cih ka awlmawh kei hi. Tua pen vok omna khat ahih leh, ahkl bangbang ahi zongin, tua pen nin khat hi. Tua mah bangin Suahna thak om a, tua in na ngaihsutna bangin hilo-in nate hong puahpha ding hi. Ahizongin nanglenang a si dingin na kigin ciangin, a suahkik na hi a, Khazih Zeisu sungah piansakna thak khat, tua nate, kihongto in nuntakna pen nang tungah a thak khat hong suak hi, banghang hiam cihleh nang in Zeisu Khazih Mimal pen na sang khinzo a, tua ngaihsutna tuamtuamte pawl hilo hi.

⁸⁰ Ahkl, a kigelh Thu ah, Tua pen KST tawh thahat sak ding hi. Pasion thu theihna bangzah ciang hiam phamawh kei, tua pen a si ding hi. Khuttum cia mangbuh ka nei thei a; tua a thahat sak hun dong, mangbuh pen nungta ngeilo ding hi. Tua ciangin doctor’ degree, Ph., LL., bangbang ahizongin na nei thei hi; ahizongin KST in tua tungah hong pai-in hong thahat sak mateng, Pasion tawh na kituah khak mateng, tua pen hoih nailo hi. Na thusinna pen kizang thei nailo hi.

⁸¹ Hih Mikangpa khat vei a thugenna om bangin, kei zong hong lawp sak mahmah hi. A neihsa sinna khempeuh, Paul cih bangin, a theihsa khempeuh Khazih a muh nadingin a nusiak kul a, a neihsa nailoh pen a ngah nadingin a ngaihsut kul hi.

⁸² Ahizongin Pasion lampi i cih pen tua hi a, Amah in i pilsinna kalsuanzia ah eite hong niamkhiat hi. Awlmawh lo ding leh huh lo ding ka ci kei hi, ahizongin a kilamdanna kong gen sawm hizaw hi. Pilsinna in Nuntakna hong tun theilo hi. Tua in Pasion' Kha in Nuntakna hong tun hi a, tua Nuntakna pen khuaklam khanlawhna pan hong pai lo hi. Tua pen LST, Thu khanlawhna pan hong pai a, Thu pen zanni, tuni, leh a tawntungin kibang hi. Tua ciangin Tua tuni hong kia a, hong thahat sak a, Sawltak 2 bangin na hong sem hi. Hilua. Tua pen hi den hi, hi den ding hi, banghang hiam cihleh Pasion' Kha in dinmunte ah nasem hi.

⁸³ Tua in nate huihnunzia piangsak hi. Tua thu hangin no pasalte hong kihilh tawntung a, "Na tate uh hiah hong paipih un." Tua pen hilua hi. Ka tanu, Rebekah hong pai-in hiah a tut ka muh pen ka nuam hi, kipak ing. No pawlkhat in kei pen numei a mudah nong sa uh a, tua pen ka tanu hi, tua ahiah manin numeinu hong pai-in hong tu hi. KST baptism a ngah ding ka ut hi, tua pen kikhopna ah amah a omna ahang hi pah hi. Tua in ngimna ahi hi. Tua in kimlepam ah nasem hi.

⁸⁴ Doctor Bosworth in a gen zelzel ahi, "Akpi tui khat la inla uino khat ii nuai ah koih lecin, tua in ak hong keuh ding hi." Banghang? Banghang hiam cihleh tua pen aktui khat hi a, a kimkot a om huih maan ngah hi.

⁸⁵ Methodist, Baptist, Presbyterian khat na hi zongin phamawh lo hi; kimkot a om huih maan sungah ahiah nak leh, tua in Pasion' tano ahi suahkikna thak hong keuh lel ding hi. Tua pen bangbang ahi a, bang pawl bang pawl ahi zongin kimkot a om huih maan ahiah nak leh hong keuh ding hi.

⁸⁶ Innlak gannote ka khawi ngei hi. Tuat gamlak ah i paipih ciangin gam cingte ka ciamteh a, gan khawina ah tuate a vakna panin—panin, gamlak ah tuate koih uh hi. Amah tualai ah ding a kongpi tawnin paipih uh a, daai zong nei hi. Aman cikmah hunin brands-te pen kin ngeilo hi, banghang hiam cihleh brand pen nam tampi om hi. Ahizongin aman a ciapteh khat om a, a sisan nam hi. Tua pen Hereford nam khat ahiah kul a tua hikei leh gamlak ah pai theilo hi, banghang hiam cihleh Hereford Association in gamlak ah lopa ne sak hi. Tua pen a sisan kibat kul a, tua nam bangin a kep kul hi.

⁸⁷ Tua ciangin ka ngaihsun a tua mah bangin zong Thukhenna Ni ah hi ding hi ka ci hi. Kei pen Methodist, Baptist, Pentecostal, ahkl Presbyterian ka hiam cih Aman hong dong hetlo ding hi, ahizongin Sisan nam Aman hong zongzaw ding hi. "Sisan Ka muh ciangin note Kong paisan ding hi." Tua bek hi ziau hi.

⁸⁸ Tua ahiah manin hih tuikholnate i mu a, amaute in tawlkhat sung a om khith uh teh, amaute pen . . . tuate hong luangkha lo a, hoihlo hi. Tua ciangin tua pen uiphukte leh thankiik namte leh gulte leh namsiate leh lungnote leh a tuamtuamte omna mun hong suak hi, banghang hiam cihleh tua dinmun a tun nadingin

a tuite luangkha lo hi. Na ngaihsun thei hiam, ansaal koihna tungkhum, ahkl ansaal omna tawh a kinai inn khat, ahkl a nin omna khatpeuh sawpsiang ding, tua bang namsiate leh lungnote, a tuamtuam, hih tuikholna sungah silsiang dingin na um?

⁸⁹ Tun, tua pen mihing-bawl kalsuanzia nam khat etteh ding thu khat ahi hi. Amah pen lawhsam hi cih ding hi. Tua thu hangin amah in Honpa khat kisas hi. Amahlemah kihonkhia thei lo a, tua dingin aman bangmah sem theilo hi. Amah mangthang hi. Amah pen mawhna tawh kidim Leitung ah suak a, amah pen Leitung zuau genna ah hong pai hi. Amah pen zuaukhem khat hi a, tua ahiah manin Leitung ah amah in ama' ading ahiah theih khatpeuh om hiam? Bangci danin mi siangtho khat suak thei ding hiam?

⁹⁰ Mi siangtho khat om lo hi. Pawlpi siangtho khat zong om lo hi. Tua pen KST hizaw hi! Pawlpi siangtho khat, mi siangthote cih bang hilo a; mite lak ah a om KST hizaw hi, tua pen hi. Amen. Peter leh tua mite dinna mual siangtho hilo hi; mual pen siangtho lo hi. Ahizongin tua pen mualtung ah a om a Siangtho Pasion in, tua a siangtho sak hi. Mimal siangtho hilo a; KST in tua mi a zat manin, a siangtho sak hi. Mimal hilo; ahizongin KST Mimal hizaw hi! Tua pen mihing hilo hi; banghang hiam cihleh, amah pen mi khat hilel a, "mawhna sungah suak a, mawhna in tuamin, Leitung zuau gam ah hong pai hi."

⁹¹ Mihing-bawl kalsuanzia khatpeuh in amah pen tua bangin bawl ding hi. Amah pen khuaklam panin a mittaw ding a, khuaklam mitte, amaute ngaihsutna, "Pawlpi mi ka hi a, ka min pen laibu tungah om hi. *Hih* ka nei hi. Ka pa pen *hih* hi, cih bangin ci hi." Tua pen hoih leh kilawm hi; tua, tua in, tua langpanna omlo hi. Ahizongin, lawm aw, Zeisu in, "Mi khat a suahkik kei leh, amah in mu thei nailo hi," *mu hia*, tualai, a mitte tawh aman mu cihna hilo, ahizongin, "Vantung Kumpigam *theitel hi*." Na suahkik hun dong!

⁹² Bangci danin hih Baptist evangelist in, mihing in tualai ah dingin Tua ciamnuh bawl thei ding ahi hiam? Mu hia, Tua a sang thei ding ama' sungah bangmah omlo hi; ahizongin Pasion in a sep kul hi, mu hia. Pasion in ama tungah KST pia hi. Amah in hih pen kineihna hilo a, hih in Thu hi cih hong lak hi. Aman tua pen sanginn ngaihsutna pan a zak bek hilo a, amaute in Pasion' thuphate khempeuh lakkhiat sawm uh a ni khat ah koih sawm uh hi.

⁹³ Baptist thuhilhsia khangno khat, a sawt nailo lai, tu zingsang hiah tu a; amah kei kiangah hong pai-in, hi bangin ci hi, "Siapa Branham aw, na khialhna khat om hi."

Ken zong, "Hong huh in."

⁹⁴ Tua ciangin aman, "Nang pen, mi hoih khat leh a zahtak huai khat cih ka ngaihsun hi, ahizongin . . ."

Ken, "Lungdam ei, sia."

Aman, “Ahizongin na khialhna khat om hi.”

Ken, “Topa in khialhna khat mu hi cih ka lamem hi.”

⁹⁵ Tua ciangin amah in, “Ee, tua pen... Hih in na nasep khialhna hi.” Tua banah, “Leitung ah apostolic nasepna na lah sawm hi, tua ciangin,” ci a, “apostolic nasepna pen sawltakte mah tawh beita hi.”

⁹⁶ Ken zong, “Baptist khat in Baptist khat kiangah, thu khat kong dong nuam hi.”

Aman, “Bang hiam?”

⁹⁷ Ken, “Pasian Thu pen humop hi cih, a vekpi in na um hiam?”

Aman, “Banghang, hilua e.”

⁹⁸ Ken, “Tua leh, Amah in, ‘Kammal khat behlap kei un, ahkl Khat la kei un.’ Ahangin,” ken ka ci beh a, “Apostolic Thupha pen mite tungah om hi, Pasian kamciamna khat tawh, cih pen kong lak ding hi, tun Pasian kamciamna hong lak in tua ciangin tua in mite banghun in nusia. Mu hia, Thu sungah na piankhiat sak theih kei leh, tua leh—tua leh mangngilh in, mu hia,” ken, “banghang hiam cihleh Tua pen kizomzom lai hi.”

⁹⁹ Amah minute tawm khat sung bangmah gen lo hi. Tua ciangin ken, “Ee, tua leh, sanggam aw, hih thu kong dong nuam hi. Peter in apostolic thupuak pen, Pentecost Ni in hong tangko hi. Tua pen dik hi cih i vekpi thei hang, ahangin amah in Kumpigam tawhtangte kem a, Zeisu in ama’ tungah pia hi. Tun ama’ thugenna en in. Amah in, ‘Kisikkik un, na vekpi un, tua ciangin na mawhnate uh hong kimaisakna hangin Zeisu Khazih Min tawh kibaptize un, tua ciangin KST letsong na ngah ding uh hi. Ahangin kamciamna pen note tung, leh na tate uh tungah, gamlapi a om mite, Topa i Pasian in a sap mite khempeuh ading hi.’ Tua leh Amah tua a lakkhiatna mun khat a om leh, Pentecost Ni Peter’ kammalte tungah bang piang hiam?” Mu hia? Hilo, khawl ngeilo hi!

A si ding Tuuno, Na manpha Si
A Vangliatna bei ngeilo ding,
Pasian Pawlpi a kihotkhiat khit dong
Hong hon in, mawhna om nawnlo ding.

A thupizaw, a khumzaw la,
Na vangliatna tawh a honkhia dingin ka sa
ding,
Hih aw kician lo kampauna, pau awk pi tawh
Hankhuk sung zuau gamdai ding.

¹⁰⁰ Pasian in Tua a um ding leh Tua a len kip dingin kei hong huh henla, i vekpi, Tua tawh ding ni, banghang hiam cihleh Tua in Lungdamna Thu Thumaan Thutak hi! Hih, sia.

¹⁰¹ Mipil pa khat in hih nate en ngeilo ding hi. Tua ciangin tuate kizang lo ding cih zong thei hi. Tuate kizang ngeilo hi. Kipawlna

biakna khat leh a kipawl tuahkhak thu in Pasion' Ompihna sungah nasem ngeilo ding hi. Tua hong pai kul a, a siangtho, Pasion kiangpan hi. Tua pen Pasion in zang ngeilo a, hun beisa sungah Pasion in kalsuanzia tua bang zang ngeilo hi. Tun no, oh, no member te leh tua dan nate na ngah uh hi. Ahizongin Pasion' Khaici taktak, Pentecost Ni in hong kia Thupha, tua pen kipawl na pan hong pai ngeilo hi; tua pen suahna khat pan, suahkikna pan hong pai hi.

¹⁰² Eite in gentehna dingin Israel mun a luah dingin hong kizam a, tualai ah hi. Ciamteh un, "Amaute in Amah taisan uh a, tuikhuk khat, amauleamau in a to tawm uh hi." Tua bang khat na ngaihsun thei hiam, mihing khat in tuikhuk thukpi khat ah a om laitak, dawnin, tua khit teh tuikholna khat amah bawlsak nuam a, mu hia, tua pan dawn sawm hi? Tun tua thu hangin kamsangpa in, tua pen Pasion' Thu in a gen hi ci hi. Tua pen Pasion in kamsangpa tungah a gen hi. "Kei nong taisan uh a—Kei nong nusia uh a, Tuikhuk pan nuntakna tui; tua ciangin noleno in tuikhuk na to tawm uh a, tua pen a tam, a keh ahi hi."

¹⁰³ Mu hia, nakhat, amaute in a uk theih ding uh nakhat deih uh a, ahkl a sepsa uh thu a lah nading hi. Tua in a kipawl biakna haina hi. Tua in a tawntungin hanciam a, amauleamaute sungah bangkhat a om kul hi. Amaute in hih kalsuanziate leh kipawlnate leh nate nei uh a, "Tun *hih* pawl ka hi" ci hi. Pasion tate kiniamkhiat bangin om ding sangin, amauleamau a lah theih ding uh nakhat deih uh hi. Pasion in Ama' lampi ahah dingin phal ding sangin, amaute in a lampi uh zui nuamzaw uh hi. Tua ciangin tuni kalsuanziate in a neih pawlpi lampi hi. Hilo . . . Kalsuanzia khatciat, khat in *hih* lampi deih a, khat in *tua* lampi deih hi. Methodist khat na hih leh, *hih* lampi ah na hih kul hi. Baptist khat, *hih* lampi. Presbyterian, Catholic, kuakua ahizongin, a kalsuanziate uh nei ciat uh hi. Tua pen langpan nading om kei, ahizongin tua pen hilo hi ka gengen.

¹⁰⁴ Mihing in a lampi zui a, Pasion in Ama' lampi nei hi. Tua ciangin Amah in, "Na lampi na len hi, a kitam tuikholna; tua in Ka lampi sang lo ding a, Nuntakna lampi nial ding hi."

¹⁰⁵ Tua ciangin tua mah bangin tuni in zong ahi hi. Tua in a nam tuamtuam hilo hi. Ngaihsun in mi hai khat in a siangtho ciktui khuk khat nusia henla, tua khit ciangin amahmah adingin a tamkham tuikholna khat ah pai nuam hileh, tua tuikholna ah amah in to henla, tua sungah nin lomtang tampi om henla, tua panin dawn mawk leh. Tua mi pen a lungsim lam maan lo khat om hamtang ding hi.

¹⁰⁶ Tua ciangin mi khat in LST thuhilhna ngaihsutna omin, KST in LST pen thahatsak leh nang tungah Tua a takpi hong suaksak hi cih sang lo hileh, tua mi pen a khalam dinmun buaina nei ahi hi. Tua bang lian hi. Hilua, KST! Khatciat in a LST khatna letna

nei a, na ngaihsutna pen a maan hi. Pasion in nangma huhna kizam lo hi. Pasion in na khatna letna kizam lo hi.

¹⁰⁷ Pasion pen Ama' a Khatna letpa hi. Pasion in Amah in a gen bangin a khatna hi pah a—tua pen a maan hi pah hi. Topa in a kipatcil in, “Khuavak om ta hen,” ci a khuavak om pah hi. Tua in a khatna letna khatpeuh kizam lo hi. Tua pen Pasion hih hi pah hi. Amah in “Nungak bit khat a gai ding hi,” ci a gai pah hi. Tua pen a khatna let kullo hi. Amah in “mihing khempeuh tungah Ama' Kha sung ding ci a,” hih pah hi. Tua pen a khatna let ding kizam lo hi. Pasion Ama' Kammal a khatna a letkhia pa hi a, Tua lakkhia a, Tua pen theician sak pah hi.

¹⁰⁸ Tua bangin kamsangpa pen Pasion pan hiam cih hong kilak hi. Amah in, “Note lakah khat om a leh, kha mi ahkl kamsang khat in a kingaihsut leh, Keimah Topa in ama' tungah muhtuam sungah Keimahmah ka kitheisak ding a, mangte tungawnin amah ka hopih ding hi. Tua ciangin amah in hong piang ding a cih pen, amah lau a; ahizongin tua piang kei leh lau kei un.”

¹⁰⁹ Tua bangin Pasion in Ama' Kammal pen mah a gen ciangin, mihing in, “Thu in *Hih* hi” ci a, tua ciangin tua lampi ah hong piang a, tua teh tua in Pasion nasepna ahi hi.

¹¹⁰ Ahizongin amah in, “Tua in *hih* lampi hi, a hunte beita hi,” a cih ciangin tuate khempeuh. . . Amah in a gilkiial anlum a khut sungah nei a, tate tungah, amaute tungpan tua lakhia a; tua ciangin tua mite gilkiial thuak uh hi. Tui limci tuikhuk om napi banghang in tuikholna panin dawn nuam na hi hiam?

¹¹¹ Tu-in Nuntakna tuikhuk i cih bang hiam? Nuntakna tuikhuk, a nungta Tuite omna tuikhuk bang hiam? Tuithuk tuikhuk khat, Tua i deih hi.

¹¹² Tun tuibung khat leh a nungta tui omna tuikhuk kikal kilamdanna kong ciamteh sak nuam hi; tuikhuk thukpi pan a tui, tuibung kitam khat sungah namsiate, uiphukte, lungnote, thankiikte, cihte pawl om hi.

¹¹³ Tua ciangin hiah tuikhuk thukpi khat om hi. Tun hih en un. Tua pen amahlema kihuhna hi. Kalsuanna lianpite khatpeuh na neih kul lo a sum tampi kizam tuan lo hi. Member tampi omna mun na zop kul tuanlo hi. Tua in a member huh a, tuate sungah nasem, Nuntakna Kha om hi.

¹¹⁴ Tua pan tui hong pai ciamteh uh, limci a, siangtho leh ciim sitset hi. Tuikholna khat hilo, ngaihsutna sawmli, sawmnga bang tawh laih sawm uh a, tua ciangin, “*Hih* pen maan hi, *tua* pen maan hi, *hih* ngaihsutna,” ci uh a, tua bangin zui uh hi, tua khit ciangin tua panin pawlmin khat bawl uh hi. Tua pen siangtho leh ciim sitset a, bangmah a kihel lo Pasion' Thu, Pasion' khut pan hong pai ahi hi. Tua pen tuikhuk thukpi taktak khat hi.

115 Ciamteh un, a vangliatna thusim pen tua sung mah ah om hi. Mihing in tua mu zolo hi. Nuainenna nam dan pawl, tua in nengsuk a, tua in hong tuamcip suk hi.

116 Indiana gam ah game kimawlna ah a kem in ka om ngei ka phawk lai hi, Harrison County ah, ka pai zel a, khuakhal hunin tuikhuk khat ah hi. Tua pen tui phuanto den hi. Tua ciangin, oh, tua pen a lungdamhuai pen na tawh kibang hi. Leitang tungah vuuk, tuikhal, a om a, a khal, bangzah ciangdong a vot zongin, tua pen phuan zuahzuah lai hi; mihing-bawl tuikuangte leh tuibungte omna, ah uiphukte leh nakhempeuh om a, tua pen keu a, khal hi.

117 Tua ciangin tua in pawlmin khatpeuh hong lak a, Kha omlohna ahkl kimpleam kikhelna tungtawnin hong khal ding hi. Ahizongin Pasian' tuikhuk thukpi hi a, Amah pen—Amah pen zanni, tuni, leh a tawntungin kibang hi, tua in nate pen tua pan hong phuansak zuahzuah a tua ciangin tua pan hong sawnkhia hi. Tualai ah bangmah om lo hi. Tua ciangin tua sungah a om khatpeuh, tua lampi pan hih in sawnkhia ding hi.

118 Tua danin hong phuan zuahzuah a, ken zong, ni khat tualai ah tu in, ka ngaihsun a, "Tua khuakhal ka gen ding hi, tawlkhak sung cih um ing." Ka lukhu suahkhia-in, tua ciangin ken, "Bang tawh kisai in lungdam lua mahmah na hi hiam? Tua tawh kisai in phuan khia zuahzuah na hi hiam? Tua pen nang tungpan khatvei, sakhite in hong dawnna hang hi ding hi."

Amah a pau thei hizen leh, amah in, "Hilo hi."

Ken, "Tua pen banghang hiam cihleh nang tungpan ka dawn hi."

"Hilo, tua pen hilo hi."

119 Ken, "Tualeh, bang in nang pen hong siangtho sak mahmah ahi hiam? Tua ahih manin bang in phuankhia sak a, tua in nang pen hong phuansak in, hun khempeuh ah lungdamna tawh kidimin, bangmah in nang pen hong khal sak theilo hiam? Huih lakah na pawt khia a, bangmah omlo, tui siang zong omlo hi."

120 Tua in kei hong hopih thei hizen leh, tuikhuk in bang gen hiam cih na thei hiam? Amah in a gen inah, "Siapa Branham aw, tua a phuan zuahzuah pen kei hilo, ka nunga om nakhat, kei hong phuan zuahzuah sak hi." Tua lampi ah nasem hi. . . . Tua pen kammal hoihlo khat hi, ahizongin ka deihna na thei uh hi.

121 Tua ciangin suahkikna tuahkhak thu lampi pen hi. Tua na ngah thei kei hi. Nangma sungah tuikhuk tui khat om a, Nuntak tawntungna sungah phuan zuahzuah hi. Mu hia, tua tawh kisai nakhat om a, tua na hih ding bangmah om lo hi. Mihing-bawl tuikhohnate khal ding a, tua nate in khanlawhna leh nakhempeuh piang sak lo ding hi; ahizongin tua Tuikhuk nuai-a om mipa, tua Tuikhuk ah nungta a, sun leh zan ahi hi! Hilo, tualsung guahtuite ngakin tualsung khanlawhnate na

ngak kul lo hi. Tua tawh na kidim hi. “Nuntakna tuikhuk, ama’ sungah, a phuan zuahzuah ka pia ding hi.” Tua sungah nakhat om a, tua pen nisim limci a, siangtho leh ciim hi. Tua pen bangmah kihello Pasion’ Thu na lungtang leh kam sungah a om hi a, Amahlemah kilangin, Amahmah ading thugen hi. Guah a zu zongin phamawh sa keng, vuuk a kia a, khuahun pen bangbang ahizongin phamawh kei, na lungdam veve lai hi banghang hiam cihleh KST in tualai ah phuan zuahzuah hi. Tua pen a kiseel Vangliatna hi. Ciamteh un. Oh, a thusim pen tua sungah om hi.

¹²² Tua in amahlemah suakta takin pia a, a dawn leh a zang mi tungah pia hi. Tun nang in na tawm kei a, “Ee, tun Methodist pawlpi ah ka pai kul hi banghang hiam cihleh kei pen Methodist khat, khanlawhna dingin ka hi hi. *Hiah* ka pai kul ding hi, ahizongin (ahileh) Pentecostal ah ka pai kul ding hi banghang hiam cihleh kei pen Pentecostal khanlawhna mi khat ka hi.” Kong gen ding hi, tuikhuk Tui pan na khai ciangin, tua Tuikhuk, tua pan na dawn ciangin, kilamdanna omlo hi, bangmah na piak om lo hi. Nuntakna lametna khat pen Catholic khat tungah, Protestant khat tungah, Jew khat tungah, thu-umlo khat tungah, bangbang ahizongin na pia nuam hi. Nang pen na sungah Nakhat na nei takpi a, tua in nasem hi.

¹²³ Tua tawh kisai a dang na ciamteh hi, na khai kullo hi. Na kaih kullo hi, tua ciangin kikhaitoh kullo hi. Ka omdan a nuamsak lo na tampi ka mu khinzo a, nakhat khaito uh hi; music pawlkhat tum uh a, diangsuk-diangto uh hi, ahkl—ahkl khua sungah lai pawlkhat, leh min thuhna lianpite, “Tu hun a mipa.”

¹²⁴ Tuhun ading Mihing khat bek om a, tua in Zeisu Khazih ahi hi, Amah pen zanni, tuni, leh a tawntungin kibang hi. Pasion kiangpan Kamtaipa khat bek om a, tua in Zeisu Khazih ahi hi. Hihi, sia.

¹²⁵ Hih pen na khaitoh kul lo, ahkl na kaihsuk kullo hi. Ahkl, hilo, Tua na zop kullo hi. Suakta takin Tua na la lel hi. Amen. “Keimah in a nungta Tui omna Tuikhuk Ka hi hi, Kei nong nusia a, noleno in tuibungte na bawltawm uh hi.” Tun Tua na khaitoh kullo hi, Tua khaito, Tua khaito, Tua zom, Tua to, bangmah kullo hi. Tua pen suakta takin na la ziau hi.

¹²⁶ Mihing-bawl upna khatpeuh, a nin sak thei, khat zawzaw, Tua tawmna na pai in, Tua kisem khin hi. Hilo. Mihing-bawl upna leh pilsinna kalsuanzia, *hih* sungah kithumaansakna biakna om a, *hih* sungah, ahkl biakna kalsuanzia tuikhuk pawlkhat; tua na kisam kei hi. Tualai ah Tua a om kullo hi. Tua tungah puansia na koih a, Tua in huhih lakah lawnkhia hi. Tua bang hih ding bangmah kisam lo hi. Tua pen amahlemah-kihuhna hi! Pasion’ Vangliatna in Nuntakna sungah hong puak hi. Mi khat in Tua danin na khat nusia-in, kalsuanzia khat sungah lutin, ka gen theihna sangin a tamzaw banghang hih mawk ding. Tua in puansia khatpeuh kisam lo hi. Tua in kisam lo hi. Tua in

bangmah kisam lo hi. . . a dim dingin tualsung guahtui tengah zong kingak kullo hi. Tua pen hun khempeuh ah kidim hi. Amen.

¹²⁷ Mi khat, amaute thugen ka za a, “Tuni lungkiatna mun sungah ka kia suk hi.” Oh, kalai!

¹²⁸ Oh, Pasian’ Ompihna sungah ka nuntak pen lungdam ing, nate pen a dik a a dik kei zongin. Amah pen ka Nuntakna hi. Amen. Amah pen i Nuntakna hi. Amah pen Nuntakna, a kidim Nuntakna hi. Hihi, sia. Tua ciangin—tua ciangin eite adingin Tua in hong sepsak en un. A vangliatna leh a sianthona Tua sungmah ah om hi. Tua in tuikhuk ahkl kalsuanzia khatpeuh panin a hoihzaw kisam lo hi.

¹²⁹ Mi khat in, “Ee, na kipawlna card bang hiam? Nang pen Baptist mi hoih khat na hiam en ni. Card khat na nei hiam ka en ding hi.” Ahkl—ahkl, “. . . Pentecostal mi hoih khat. . . Oneness. . . Twoness. . . Threeness.” Ahkl—ahkl “. . . bangbang ahi zongin.” Mu hia, Tua in a hoihzaw khatpeuh kisam lo hi. Tua pen pai den hi. Hi hi.

¹³⁰ Na thei, hih tuikholna lui pen ka nei ngei a, tualai ah tui ka sungsuk a tua ciangin a hoihpen leh a hoihpen leh a hoihpen, hih tuikhaina ah tualai pan kikhaito hi; na thei, tua sungah tui tawmkhat sungsukin, tua ciangin namsiate honkhat leh nate, tua panin namsiate leh nate khaikhia leuleu hi. Tua pen hih khanlawhna a cihte nam dan tawh kibang hi.

¹³¹ Ahizongin, Pasian tengah lungdam ing, “Si tawh kidim Tuikhuk khat om a, mawhneite a kidiahna mun hi!” Pawlpi mi hihna na bawl kei hi; tuate panin Christian-te na bawl a tua ciangin amaute tua Tuikhuk ah hong pai uh hi.

¹³² A nungta tuite omna Tuikhuk nusia in, tua bang a kihhuai bual ah dawn ding na hi hiaim?

¹³³ Kikhai tawm lo a; A vangliatna pen Tua sung mahmah ah om hi. A hoihzaw cih bang kisam lo hi, hihi, sia, ahingin (Amahmah) Ama’ Nuntakna Mahmah in Ama’ sung mahmah ah om hi. Mihing’ lungsim sungah a om Pasian’ Khaici lampi ahi hi. Pasian’ Nuntakna pen mimal sungah om a, pawlpi sungah hilo hi, nangma sungah, Tua in nang sungah, nang pen na sunga om Nuntakna Khaici a nei khat na hi hi.

¹³⁴ Tua tiapna khat in Pasian nasemte khempeuh tengah hong tung ding ahi hi. Catholic siampi dong in, Baptist, kuakua ahizongin dong in. Hih a limci tuikhuk tui siangtho panin kam khat ciam in, kong gen ding hi, Tua in Thutak hi cih hong lak hi. Na khalam gilkialna, bangbang ahizongin, tua in a dangtaak mi tengah hong pia ding hi. Tun nang pen a dangtaaak nawnlo na hih leh. . . Hih Baptist, amah pen dangtaak lo hi; ahizongin amah a dangtaak hun ciangin, tui pen a lim mahmah hi mawk hi. Tua hi; ahizongin na dangtaak kul a, “thuphangah dangtaakna,” Zeisu in tua ci hi. “Dikna thu ah na gilkiial dangtaak leh thuphangah na hi hi, ahingin hong kidim ding hi.” Amen. Zeisu

in tua ci hi, lawm aw. Hihi, sia, Tua pen a dangtaak tungah thupha Tuikhuk hi.

¹³⁵ Banghang mi khatpeuh in Tua pen khel sawm ahi hiam? Cikhak tui leh tuikhuk thukpi pen bangci bangin khel sawm na hi hiam, tuate namsiate leh mihing-bawl ngaihsutziate tawh kidim a, Pasion in, “Ama’ Kammal khat a behlap, ahkl Ama’ Kammalte khat a paaikhia, amah pen Nuntakna Laibu pan kihemkhia ding ci hilo ahi hiam”?

¹³⁶ Tua ciangin Pasion in Amah in hih Thu pen khanghun sim ah hong lak ding cih hong kamciam a, “Ahangin kiciamna pen note tung leh na tate tung, gamlapi a om Topa i Pasion in a sap ding mite khempeuh ading ahi hi,” tua kalsuanzia pawlkhat khaitoh sawmin, kum tampi a nin, manna luipi tawh banghang khel ding na hi hiam? Manna pen hoih mai thei hi, tua lehgen nading om kei, Martin Luther hunlai, *hih* hunlai, leh *tua* hunlai, pawlpi puahphate, tua tawh lehgen nading bangmah omlo hi; ahizongin tua manna pen hun sawtpi laipek hong kia hi.

¹³⁷ LST sungah na ciapteuh uhleh, amaute in nisim tua a top kul den uh hi. A thak a ngah kul uh hi. A sawt ciangin, tua pen muat hi. Tua kitam lopi-in muat theilo hi. Tua sungah bacteria a om kul hi, ahkl bangkhat in tua a muat sak kul hi. Tua pen i thei ciat hi.

¹³⁸ Tua mah bangin kalsuanziante zong hi! Khanlawhna lianpi khat panin a dangkhat ah tua hong om khit ciangin, tua pen hong muat a, namsia tawh kidim hi, tuikholna pen tua bangin a kihhuaite tawh kidim a, eite in tua pen namsiate leh a kihhuai nate om hi i ci hi.

¹³⁹ Tua ciangin tui zong mihingte’ tuahkhak thu tampite zong tua mah hi. Amaute pen a kipei lekkek meineute tawh kidim a, tua bang ganhingte khat khith khat a banbanin hong om semsem a, tua sungah Thumaan thutak cih bang om thei nawn lo hi. Tua hi, khat sungah adang khat hong kipek lekkek hi. “Kei pen Methodist khat ka hi; ken Baptist zom ing. Kei pen Catholic khat ka hi; *hih* a suak dingin ka pai hi. *Tua* a suak dingin ka pai hi.” Tua pen meinei a pek lekkek hilel hi.

¹⁴⁰ Oh, a buppi mangngilh, Tuikhuk ah hong pai in (Amen!), Tuikhuk thukpi, a nungta Khazih’ Ompihna! Amah pen a bei theilo Nuntakna Tuikhuk hi dingin ka um hi. Ama’ tungpan na ngah semsem leh, limci semsem ding a, vot semsem, leh hoihzaw semsem, a lim semsem hi ding hi. Ama’ na ka sepzawh kum sawmthum-le-thum pha khinzo a, ni sim ni dang sangin khumzaw semsem hi. Ka hi ngeikei a. . . Eite in hih Tui pan i dawn leh dangtaak ngei nawnlo ding ci hi. Tua pen bangzah in lian hiam ciamteh un. Oh!

¹⁴¹ Israel in tui a bangin tampi in hih a, a nungta tuikhuk tuite nusia uh a, amauleamau tuikhuk to tawm uh hi.

142 Tun hehpihna thu tawlkhat i gen a, Pasian' hehpihna. Thukhamte leh thukhunte i nei hi, "Hih dinmun pen na teh kei leh. . . Biakna tawh kisai tehna ciangtawn ka nei hi; Tua ah na teh kei leh, na hih kul a, nong lut thei kei hi," cih bangin ci hi. Ahizongin Pasian in eite pen hehpihna thupha tawh hong honkhia a, tehna ciangkang tawh hilo hi. I mu hia? Ahizongin Pasian, tun hehpihna thu gen lehang, hi bangin Ama' tungpan dawwna, hih tehna ciangkang pan bangei bangin piang hiam. . .

143 Thuum thuum, tautau Israel. En un, Amah in, "Kong hawhkik ding hi" ci hi. Hih LST ciamteh un. Ciamteh un, Amah in amaute tungah hawhkik sawm hi. A thuum Israel, San Tuipi ah, Egypt mite' tui tawnin Amah zui dingin kisam a, a suakta mite ahi dingin hi. Amaute pen saal hi ngei uh hi. Amah tawh, amaute a suakta mite ahi dingin kisamkhia hi. Si Tuipi, Si Tuipi tawnin hong paikhia uh a; San Tuipi hizaw, tua tawnin gamlak ah hong pai uh hi, amaute leh a kineihkhem mite kikal ah kikhenna a om theih nading, vun atna om lo a kineihkhem mite a theih nading ahi hi.

144 Oh, tua in buaina piangsak hi. Amaute khatciat gamlak ah kisia uh hi. . . ahkl, tuipi sungah, Pharaoh leh a galkapte. Amaute in a lamdang Vangliatna tawh hong paikhia uh a, tua ahih manin amau hong pai kawikawi uh a, tua kineihkhem sawm uh hi, thupha sungah kihelna omlopi in. Tua ciangin amau gamta uh a, kisia uh hi. Tua pen taksa leh pumpi deihna tawh kisai tehkakna hi.

145 Tua a hih sawm mipa, nakhat pen kineih sawm a, tua ciangin amah in Christian taktak khat tawh tua silesa deihna pen hong tehkak hi.

146 Ka Indian sanggampa in tua thu thei hi. Bombay kim ah hong pai in tualai ah mite na mu ding a, Hindus leh a tuamtuam, siiktukilhpi tungah lum uh a. . . maan tungah lam pai uh a—tua ciangin mei sungah vak uh a, ahieh theihna uh hong lak uh a, tua nate. . . Tua pen gamlak ah mi kimkhat in a kineihkhepnate hi uh a, a pasian' adingin thoihna bawl uh hi.

147 Biakna nuntakna khempeuh lakah silesa kineihkhemnate, mi khatpeuh in a dang danin hanciam sawmna cihte i mu hi. Na kibatpih ding thu gentehna khat bek om a, tua in Zeisu Khazih, Amah pen Thu ahi hi. Tua khit ciangin Pasian Thu nang tungah hong pai ciangin, tua pen lampi kibang hi ding hi.

148 Ahizongin Pasian in amaute ciamsa gam ah paipih veve lel hi. Amau tuikholna bung om peuhpeuh mu uh a, gamlak tawnin a khualzinna uh kipan uh a, amaute a kikhen khit uh ciangin, tuikholna bung a muh peuhpeuh uh pen keuta hi.

149 Tua na pen mah na mu ding a, sanggam aw, hih ciamsa Gam ah khualzin dingin na kipat ciangin. Kongpite kikhaksa na mu ding hi. Tua thuhilh siano pa thugen bangin, Anglican khat hi a, ahkl bangbang ahizongin, na theih masak ding pen, a pawlpi in

amah hawlkhia hi. Mu hia, KST a ngah mi tampi a om laiteng, tua pen a tawpna ahi hi.

¹⁵⁰ Tua ciangin. . . Israel in tua pen mah mu a, gentehna in, ciamsa gam ah a khualzinna ah hi. Tuikhohnate pen a vekpi keu hi. He, Ama' kamciam Thu, a khualzinna, tuikhohnate ah a thuzuihna uh pen, a keu in mu uh hi. Tun tuikhohna mu uh a—tuikhohnate pen a khualzin nadingun, kinga thei nawnlo hi.

¹⁵¹ Tua ciangin Pasion' Thu zuihna na khualzin ding leh, *hih* zomin *tua* zomin, leitung ah Tua a huh ding tuikhohna khatpeuh na mu kei ding hi. Om lo hi. Nang pen mimal khat na hi hi. Pasion in nang hong makaih nopna lampi ah hong makaih hi lel hi. Tua khit teh, tuni tua thu mah i mu a, tuikhohna bungte khempeuh keu khinzo hi.

¹⁵² Ahizongin kamciamna, maan den hi, Pasion in Ama' mite tungah a kamciam kem suak ding hi. Aman amaute kisapna khempeuh pia dingin kamciam a, tua ahiah manin Aman hih takpi hi. Bangmah a omlo, tuibung keu lakah, ngaihsun dih in, sehnel gam ah a phunphun Israel, a khualzinna uh, Amah in a nasem-makaipa, kamsang Moses sam a, hih lamah, tua ciangin a nungta tuikhuk pan tui pen, a kisat kham Suangpi panin hong phulkhia sak a, tua ciangin Amah a um tate kisia lo uh hi.

¹⁵³ Tu hun ah, hehpihna thu genna, kei ading hi. Eite in ngah dingin kilawm lo hi hang. I sepsa lampi, i nuntakna sa lampi, eite tawh kituak lo hi.

¹⁵⁴ Ahizongin Pasion, tu hun ah, tu zingsang hun bang lianin, en un, Methodist, Baptist, Presbyterian, Catholic, tuate khempeuh tungah, Amah in Tuikhuk khat hong hon khinzo hi. Hebrews 13 in hih thu hong lak a, Amah pen zanni, tuni, leh a tawntung in kibang hi. Tua ahiah manin tua in dik sak hi, John 3:16 ah, "Pasion in leitung mite hong it mahmah ahiah manin, Ama' Tapa neihsun a hong pia hi, tua Tapa a um mite kisia nawn lo-in, Nuntak tawntungna a ngah uh hi."

¹⁵⁵ Tua ciangin a kigawm ahang khat hangin tua kilamto hi, banghang hiam cihleh mite in thuum uh a mawh uh hi, tua ciangin amaute gul in tu a amaute si uh hi; tua ciangin amaute mawhna pan a mai nadingin, leh a natna uh pan a damna dingin dakto uh hi.

¹⁵⁶ Tua ciangin tua Tuikhuk pen mah tuni eite tungah hong kihongkhia a, ahangin i hotkhiatna leh i damna, taksa damna hi. "Ahangin Amah zanni, tuni, leh a tawntungin kibang den hi."

¹⁵⁷ Tua ciangin Pasion' Thu hong ciamna tawh Suangpi a kisatkhap ciangin, thu pia a, Tua in a siangtho sitset tui hong luangkha sak a; a nin hilo, a kihhuai hilo, ahizongin Pasion' Ompihna hi. Tui siangtho, tua in a dawn khempeuh honkhia hi. Tu-in eite in tua pen maan hi cih i thei hi, banghang hiam cihleh eite in Thuciam Lui sungah tua i sim a, etsakna khat bangin.

158 Tun, na kaih kul lo hi, khai in, zom in, bangci zat ding cih na sin kul lo hi. Tualai ah bangci zat ding cih amaute in hong gen ding uh a, mu hia, “Oh, nang, KST na ngah leh, tua i um hi, ahizongin tua ahih manin nang—nang in *hih* lampi na zui hi.”

159 Ahizongin, na mu, tua a uk omlo hi. KST na zang kei hi; KST in nang hong zang hi, mu hia. Mu hia, na hi kei hi, KST na zat ding hilo hi; KST in nang hong nei hi. Letsong khat na lak hilo hi, temta khat, laikung khat na hiam tawh kibang lo hi. Nangmahmah Pasion tungah va nai a, KST in nang hong zat theih nading lampi ah omna ahi hi.

160 Ciamteh un, amaute in tua pen khai ngeilo ahkl kai ngeilo, ahkl hi Bangin dong ngeilo uh hi, “Tun hih tui pen bangci zat ding?” Banghang hiam cihleh, amaute in tua bangci zat ding cih thei uh hi. Amaute dangtaak uh hi. Amaute in bang hih ding cih thei uh hi.

161 Tua banah mihing pasal ahkl numei zong ahi hi, bang, upna ahkl pawlmin koi ah om cih tawh kisai. Amah in Pasion a dangtaak leh, sanginn ah a tai ding hilo a, hih Anglican sanggampa hih danin, ahkl British sanggampa, zan nitak, paikik in bangci bangin, Anglican pawlpi ah om ding, hih letsong pen bangci zat ding, kamtuam pau, leh *hih* aman bangci ngah ding. Amaute in amah pen hawlkhia ding uh hi. Mu hia? Amah pen dangtaak hi, tua ahih manin Pasion in amah dim hi. Tua pen ahi hi. Dangtaakna om a, tua ciangin Amah in dim hi.

162 Na khatpeuh na uk kul lo a, mi khat in bang hih ding cih hong gen ding hi. Pasion in mimal khatciat a lampi ah Amah in hong deih bangin hong makaih hi. Nang pen mimal khat, nangmahmah na hi hi. Nang pen Pasion’ pan na hi hi. Kuamah in na mun luah theilo hi. Mi khatpeuh kiangah na pai kul ding lampi omlo a, tua ciangin, ken “tua tawh *hih*” ka hih kul ding hi, ahkl “tua tawh *hua*” ka hih kul ding hi. Hilo hi, sia. Pasion in tua lampi zang a—Aman a ut danin hih hi. Na dangtaak ciangin, kicing takin dawn ding na thei hi.

163 Tu zingsang na dangtaak leh, Tua pan dawn in, tua teng hi na hih ding. Pasion in a dangtaakna hangin lampi khat vaihawm sak a, a dangtaak tate in Ama’ tungpan suakta takin dawng ding uh hi. Pasion in mikim ading lampi khat vaihawm sak a, tu zingsang numei ahizongin, a gilkiat leh dangtaak mite hi. Hiah a tu mite lakah, a kihonkhia ngei nailo zong om kha thei hi. A kihonkhia ding hiah a tu mite zong om hi.

164 Hiah pawlpi member-te a tu mite om a, na dik tat nuam a, ahizongin tuibung khat pan na dawn hi. Tuatate in nang tungah hih Thutakte hong gen ngeilo ding hi.

165 Hong pai inla na hih ding khat bek om a, Pasion’ kamciam la ding leh tua Tuikhuk ah pai dingin, tua khit teh Amah in dangtaakna hong ventsak ding hi. “Hih Tuikhuk pan a dawn mi in dangtaakkik ngei nawnlo ding hi.”

166 Tu-in ciamteh un Amah in Ama' aate hih tui a sang mite tungah, hehpihna tawh pia a, kalsuanzia khat ahkl pilsinna tuikhuk pan hilo hi. Amah in Ama' Kammal lakcian a, tua in Nuntakna bulpi ahi hi. Mi bangzah in Nuntakna ngah khin cih na thei uh hiam, Thu leh Ama' tui na lak uh ciangin, Nuntakna na ngah lam uh na thei uh hiam?

167 Gentehna in, a dang gentehna khat hiam, nih hiam, en lai ni, tua khit teh ka hun khak ding hing. A mekna khat ka neih kul ding hi. Ahizongin ciamteh un. Ka paupau a, ahizongin tua ka sawm kei hi. En un, gentehna khat en ni, mi nih thu hi.

168 Jacob' tuikhuk ah a om numei, tua tuikhuk ah thupieng en ni. Tualai ah numeinu tu hi. Tua pen numei khempeuh in thei a, hih tuikhuk pen tua nu in tui a lak zelna mun hi. Tua numei in a muh tuikhuk langkhat lamah, Mipa khat tu a, tua pen Jew mi khat hi. Tua ciangin numeinu pen Samaria numei khat, Sychar khuapi pan ahi hi. Tua ciangin hih Mipa pen, hih Jew in hih numeinu kiangah a ngei banglo Thu hong gen a, "Ka dawn ding tui hong pia in" ci hi.

169 Tua numeinu in tu-in, "Minam tuamkhenna i nei hi. Nang bang khat in kei kiangah tua bangin dotna dong dingin kilawm lo hi; Nang pen Jew khat hi in, kei pen Samaria mi khat ka hi hi."

170 Amah in, "Ahizongin nang hong hopih Pa pen kua hiam cih thei hilecin, Kei kiangah dawn ding tui na ngenzaw ding a, Keimah in hih tuikhuk pan hong pai ahilo tui Kong pia ding hi; nangma sungah hong phulto tuikhuk khat hi." Tua nu in hih pen Thutak hi cih a muh hun ciamteh un!

171 Tu-in, a masa inah, mi khatpeuh in tua bangin gen khinzo thei hi. Ahizongin numeinu in, "Jerusalem ah na bia uh a, kote in hih mualtung ah ka bia uh hi."

172 Amah in, "Hotkhiatna pen Jew-te pan hong pai hi. Kote in ka biak uh ka thei uh hi. Ahizongin," ci a, "Na khat Kong gen ding hi," kammal dangin, "hih mualtung ahi a, ahkl Jerusalem ah ahizongin hilo hi. Pasion pen Kha leh Thutak tawh biak ding hun hong tung ding hi, ahangin Pa in tua bang mi a zong hi." Amah in, "Pai inla na pasal va sam in." En un, hiah hong lak hi. Hiah tuikhuk ah numei om hi. Tua ciangin, "Pai inla na pasal va sam in."

Numeinu in, "Pasal ka nei kei hi."

173 Amah in, "Thutak na gen hi." Mu hia, tua pen Amah in numei tungah a dotna tawh kilehbulh leh kilawm hi, tua ciangin, "Na pasal na sam in."

Tua ciangin, "Pasal ka nei kei hi."

174 Tua banah, "Thutak na gen hi." Tua banah, "Banghang hiam cihleh nga na nei khinzo a, tu a na ompih pen zong na pasal a hi kei hi."

175 Tua numei en un, tua hun a siampite tawh a kibatlohzia! Tua hun a siampite in tua mah mu uh a, tua ciangin, “Tua pen dawh hi, lungsim ettelna khat, ahkl—Beelzebub hi.” Mu hia, tua mite in hong kamciam Thu mu kha lo uh hi.

176 Ahizongin tua numeinu in siampite khatpeuh sangin LST man theizaw hi. Tua nu in, “Sia aw, Nang pen kamsang khat hi cih kong theician hi. Kamsang ka neih loh zawh uh pen kum zali bang, Malakhi hun a kipan hita hi. Ahizongin,” ci a, “khat ka lamem uh a, tua ciangin hong pai ding Khat pen, Messiah hi cih thei ung. Amah hong pai ciangin, hih thu Amah in hong thei sak ding hi.”

Zaisu in dawng a, “Keimah in Amah Ka hi hi.” Amen.

177 Na ciamteh uh hia, tua nu in a beel nusia a tua Jacob’ tuikhuk ah, khuapi sungah tai a; tuikhuk thukpi tawh kidim hi! Tua numeinu in hong kilak pen mu a, Amah pen tua Nuntakna Tuikhuk ahi hi. Tua nu note tungah kong lak ding hi. Tua nu in nusia hi; Amah pen Nuntakna Thu ahina a lah ciang ahi hi. Tua numei in nusia hi; tua ciangin tua Suangpi pen mah muzo a, gamlak ah a kisatkham, hong pai ding a cih pen ahi hi.

178 Kong gen lai ding a, tua hun a Pasion pen mah, eite in i gen pen hi a, tu-in eite tawh Amah hong omkhawm hi; thutheihna pawlkhat tawh hilo a, ahizongin Ama’ hong kilahna theihna tawh Amah in hih ni nunungte ah Ama’ Pawlpi tungah KST hong sung ding ci hi. Amah pen “Keimah hi ngei ing” cih hilo hi. Amah pen “KEIMAH KA HI HI,” cih tuhun hi den hi.

179 Tua khit teh tuikholna in a limna mansuah hi. Tua ciangin mihing peuhpeuh in Pasion’ vangliatna sungah puk a, KST baptism tawh, pawlmin a kalsuannate in a limna mansuah hi. Uiphukte, thankiikte, namsiate, cihte pawl na deih nawn kei hi. A limci, a siangtho Pasion’ Thu ahi Tuikhuk khat pan na dawn a, tua pen na nuntakna ah hun sim limci hi. Tua mah bangin, Thu pen Thutak hi cih hong kilak a, ciamin ahieh kei hiam cih mu in.

180 Tuikholna in tui a neih a, a hun a neih hangin; ahizongin, na mu, Nuntakna Tuikhuk pen om a, Jacob’ tuikhuk hi nawn lo-in, khalam dawna ahi hi. Amaute ngaihsutna, tua tuikhuk pan amaute in dawn uh hileh, banghang, tua pen hoih ding hi; ahizongin Nuntakna Tuikhuk Mahmah tualai ah tu hi.

181 Tun eite in kalsuannate leh kipawlnate kizam lo hi hang. Eite hun nunung ah i om hi. Pasion in hih hun nunung ah hong kamciam a, Amah in a hih ding nate. Tua hong kicingta, Thu hong kicingta cih i mu hi. Galkap lampan ding uh a, hi bangin, a ot uh i za hi, amau, “Nakhat hong piang ta ding hi.” Eite in KST in eite tungah thupiang ding hong gen pen i thuk hi. Nakhempeuh kituakin i mu hi. Tua khit teh, kalsuanna nusia in Tuikhuk ah pai in. Hihi, sia.

182 A ngimna sem in, ahizongin tun numeinu in Tuikhuk Mahmah tawh kituah kha hi.

183 John 7:37-38 ah, Zeisu in biakbuk paw i a ni nunung ah (Aman bang gen?), “A dangtaak mi khatpeuh a om leh, Kei kiangah hong pai henla, dawn ta hen.” Tua LST siamte lakah om hi! “A dangtaak mi khatpeuh, Kei kiangah hong pai henla, dawn ta hen. LST in genzo a, ama’ sunglam panin a nungta gun Tui luangkha ding hi” ci hi.

184 A nungta Tuikhuk om hi. Tua pen tuni mite in a nusiati uh Tuikhuk ahi hi. Ahang pen upna, amaute in a nungta Tui pana Tuikhuk nusia khin uh hi. Amah pen note tungah kong gen nuam hi. Amah, kei tungah. . . Tua ciangin ka thugen ka khak ding hi.

185 Amah pen, kei’ adingin, Hagar’ nuntakna leh tano, gamlak ah a si dingin a om laitakun a honkhia Tuikhuk hi.

186 Amah pen tua Suangpi, Isaia 32 ah, a cimtaak huai leitang ah tua Suangpi hi cih ka um hi. Amah pen huihpi nun hun ciangin kidalna lum hi.

187 Zechariah 13 ah, Amah pen mawhna hangin, David Inn ah a kihong Tuikhuk hi. Amah pen tua hi ding hi cih ka um hi. Hilo nai vua?

188 Late 36:9 ah, Amah pen David ii Nuntakna tuikhuk hi. Amah pen David ii a dai dide Tui, leh lono eng silsial hi. Amah pen David’ ading, luineu gei a om Tui hi.

189 Piansilna 17 ah, Amah pen Abraham in a zindo, El Shaddai hi. Ahizongin ama’ kiangpan a nuntakna a paikhia ciangin, amah pen. . . Pasion in ci hi.

190 “Kum zakhat a pha mipa, bangci bangin hih thu hong piang ding hiam? Ka tek a, ka zi zong tek hi, bangci bangin hih nate hong piang ding hiam?”

191 Amah in, “Kei pen El Shaddai Ka hi hi.” Tun, *El* i cih pen “Pasion,” cihna hi a, tua ciangin *Shaddai* cih ciangin “limtakin vak,” cihna hi a Shaddai pen a tam genna, tua in “Kei pen hong kem a thahat Pasion ka hi hi.”

192 Naungek khat a damlo leh a thanem pen, a thahatna hong bei a, a nu’ ang sungah kingam kawmin a thahatna hong lakik hi. Hilua. Tua bek hilo. . . Naucing hun ciangin, tua pen hong kiam nawnlo hi. A nu’ ang ah, a nawizu tawh tha hong lakik a hong tha hatkik hi.

193 Tua ciangin mi khatpeuh in a lungtang ah Pasion’ kamciamna a lak ding leh, tua, “Kamciamna pen note tung, na tate tungah, gamlapi ah a om Topa i Pasion in a sap ding mite ading ahi hi,” tua in hong kem dinga thahatna hong piakik ding hi. A lungkham tano, tua um in! Tua in thu-um mite’ ading hi.

194 Thu-um lakam phuak mi tungah, lakam phuak tampite late ka ngaihsun hi. Hun khat lai in mi khat in hi bangin phuak hi, Amah:

Sihkhuk a dim in kihong a,

Sisan tui bang luang hi,
Tua si tawh kiphum mawh neite,
Mawhna tawh kipelh hi.

A si mi mawh pa'n tua sih khuk a muh ciang a
nuam a

Hih mi bang ka gitloh hangin;
Mawhna kiphel thei ta,
Mawhna tawh kipelh hi.

A liam ma ah hong luang si pha
Upna ka muh manin
Hong phelna ding it na la pha
Ka sih mateng sa ning.

¹⁹⁵ Kei' ading, Amah pen Kikhenkhatna pan a Thu ahi Tui ahi hi, tua pen Ama' Kammal tawh a kilehbulh nakhempeuh panin nang hong khenkhia hi. Amah ka up nading Tuikhuk hi. Hi hi, sia. Tua, mihing-bawl tuikholna panin kei hong khenkhia a, a nungta Tuikhuk Tui hong pia hi. Oh, lawm aw, ken. . . Na mainawt thei a, tua nate tawh—Amah pen eite tungah om hi! Amah pen Alpha, Omega hi. Amah pen a Kipatna hi a, Amah pen a Tawpna hi. Amah pen ahi ngei, ahi lai, leh hong pai ding Pa hi. Amah pen David' Zungpi leh Suan hi. Amah pen Zingsol Aksi hi. Amah pen ka Bangkim hi.

¹⁹⁶ Tua banah, sanggampa, sanggamnu aw, na neih nai kei leh. . . Hih mihing-bawl tuikholna, panin dawn lailai in, na nuntakna buppi, banghang in tu zingsang tua tuikholna nusia in hih Tuikhuk ah hong pai lo ding na hi hiam?

¹⁹⁷ Tu-in tawlkhath sung i lu kun ciat ni. Na lute uh kun kawm unla. . . [Sanggamnu khat in kamtuam tawh la sa hi. Awkhumna kician lo—Ed.] . . . ka ngaihsutna ah, tokhom sapna. Tun mi bangzah?

¹⁹⁸ Ka dipkua hi, hun sau lua kha ing, ka thupuak zong a nennen in bantan ing. Ahizongin KST in ka deihna hong theisak dingin ka um hi. En un, tuni Pasion tawh kilemna sangin a thupizaw omlo hi; mu hia, i nitak ante, bangbang ahizongin, bangbang hita leh. Topa hiah om hi. Tun, ka nuntakna ah khatvei ka za ngei a, tu hun a kipan.

¹⁹⁹ Tun bangci. . . hiah na vekpi un, “mi bangzah pha” cih hilo. Na vekpi un Tua pan na dawn nuam uh hi, minute khat khawng ding in, thungetna nei ni. Pasion in thupha hong pia hen. Topa in thupha hong pia hen.

²⁰⁰ Tun hiah mi bangzah, tua—tua pen tun ding uh hi, tua ciangin *hi* danin na khut lamin, “Pasion, ka tungah hong gamtang in, hong dim in, hih Tuikhuk pan kei hong dawn sak in. Tua ciangin a dik thu ka sem khin nai kei hi, ahizongin kei Nong maisak nadingin lunggulh ing. Ka mawhnate Nong sawp siang sak nadingin kong ngen hi. Tua ciangin tuni a kipan kei, tua. . .”? En lel in! Ka!

Sihkhuk a dim in kihong a,
 Sisan tui bang luang hi,
 Tua si tawh kiphum mawh neite,
 Mawhna tawh kipelh hi.
 Mawhna tawh kipelh hi,
 Mawhna tawh kipelh hi;
 Tua si tawh kiphum mawh neite,
 Mawhna tawh kipelh hi.

201 Tun tua, tua pen Christian thu-um khat hi, Khazih pen na mimal Honpa in na sang khinzo hi, ahizongin na hi nai kei a . . . Tun na hih nai kei leh, tua pen Tuikhuk hi. Ka theih Khat bek om a tua in Emmanuel' sihui pan hong luangkha Tuikhuk hi. Tun, no hiah mi tampi na om uhleh . . .

202 Khatvei nitak ka gensa om bangin hih muvanlai no pen akte tawh akbuk ah omkhawm hi. Aman bangmah thei lo a akte bek thei hi, ahizongin amah tawh kisai khat om a tua akte tawh kilamdang cih bel thei hi. Tua khit ciangin a pi in amah zongzong a, a tunglam pan haamhaam hi. Tua pen muvanlai' sapna hi. Mu hia, amah pen muvanlai khat ahi ding hi a, ahkl tua sapna pen theithe ngeilo ding hi. Mu hia, amah . . .

203 Tualai ah bangkhat a om kul a, pokhia ding, ahkl Nuntakna piangkha sak thei ngeilo hi. Tua ciangin Khaici, Pasion' Thu pen note sungah om hi, KST pen hiah om a note tungah Tua hong puak ding leh hong pokhia sak ding hi.

204 Mi bangzah in hiah KST' baptism ngah nailo na hi uh hiam, na khut uh hong lamto un? A kimkot ah, mun khempeuh ah, KST na ngah nai kei uhleh, na hih ding uh a, na khut hong lamto un. Koikoi ah na om zongin, na khut lamto in, tawlkhat sung.

205 Tun a kimkot ah a ding note in en un, amaute' tungah na khut uh nga unla thunget sak un.

206 Tun KST in note khatciat tungah Tua tawh hong dimsak ding cih pen ka um hi. Tun ansai ah an tawh kisai ngaihsun kei un. Hih An tawh kisai ngaihsunzaw ni. Hih in Khat hi. Hih in Nuntakna hi. Mu hia, hih in Nuntakna hi.

207 Tun kimkot ah kihei unla, note khatciat, khatlekhat khut kinga un. "Amaute in a khutte uh nga ding uh hi!" Tun na khut ngakna mi ading thu na ngetsak ding uh deih ing . . .

208 Tun paikhiat ding ngaihsun kei un. Bangmah dang ngaihsun kei un. Ngaihsun lel un, tu mahmah, KST in mimal khatciat hong dim ding hi. Na lungtang tungah, tuikholna khempeuh uh bungkhia unla, tua ciangin, "O Nuntakna Tuikhuk, kei kiangah hong pai in. Kei hong dim in, O Topa Pasion, Na hoihna leh hepihna tawh."

209 Topa Zeisu, a bei theilo Tuikhuk! Ka ngen hi, Pasion, amaute khatciat Nong dim sak ding hi. KST in hiah hong tung ta hen. Ka ngen hi, Pasion, nadang khempeuh ka mangngilh ding uh hi;

KST kote lakah hong tung henla, tu mahmahin, Nuntakna Tuite a khawnhong in kote tungah hong pia in. Hong pia in, O Pasian. Thungetna leh lasakna neih hun sung, kigawm ni, Topa, Nong Ompihna ka thei uh a, Nong Ompihna ka mu uh hi, Tuikhuk ah kong pai nuam uh hi. A taktak, KST baptism taktak ka deih uh hi. Topa aw, hih mite in Tua dingin thungen uh hi. Hih hun ading kong ngen hi, amaute hih Pasian hoihna tawh hong kidim sak in. Hong pia in, O Pasian. Na tate thungetna hong za in. Amaute hihna tungah Nong pai nading, Pasian' Vangliatna, KST in amaute tungah na hong sem ta hen. Hong pia in, Pasian.

²¹⁰ O thaksuahna Nong piak manin lungdam ung, ahangin a thahat Vantung Pasian' Ompihna ah, kote' lakah hong om ta in! Tu sun mahmah, Topa aw, hong vak in! Topa aw, Na sabuai panin An ka duh uh hi. Kote hong vak in, Topa, tu mahmah in. KST tawh kote hong vak in, ka nuntakna sungah. Ka nuntakna kha dangtaak hi. La a khatna Na gen mah bangin, "Leitang tungah tui hong luangsuk ding hi." Hong piang ta hen, Topa. Na Thute pen Na tate' lungtang ah hong kithei sak ta in, "Leikeu tungah tuite, leitang hong kawt sak in." Tawntung Pasian, Na nasempa thungetna hong za in, kote tungah tua Thupha hong pia in. Amen.

Oh, bangzah Zeisu ka it,

²¹¹ Amah phat lai ni. KST hiah om cih mu khia un. Tua na sang kei uhleh, na khialhna hi.

. . . bangzah Zeisu ka it,

"Hihte sangin Kei nong itzaw hiam?"

. . . Zeisu it,

Aman hong it masak hang hi.

Oh, bangzah ka it . . . (Pasian kiphat ta hen!)

Oh, bangzah ka it . . . (Tu mahmah in Amah hong pai hizen leh?)

Oh, bangzah Zeisu ka it,

Aman hong it masak hang hi.

Amah ka taisan ngeikei ding,

Amah ka taisan ngeikei ding,

Amah ka taisan ngeikei ding,

Aman hong it masak hang hi.

Lamdang, lamdang, Zeisu kei tungah,

Thukuppih, Kilemna Kumpi, Thahat Pasian pen Amah hi;

Oh, kei hong hon, mawhna leh maizumna khempeuh pan kei hong kem,

Lamdang ka Honpa, Amah phat . . .

²¹² Tu-in Amah phatna sa ni!

Lamdang, lamdang, kei tungah Zeisu lamdang hi,

Thukuppih, Kilemna Kumpi, Thahat Pasion
 pen Amah hi;
 Oh, kei hong hon, mawhna leh maizumna
 khempeuh pan,
 Lamdang ka Honpa, Ama' Min phat un!

²¹³ Tua a ngaihsun khempeuh in, "Amen" ci un. [Mipite in, "Amen."—Ed.] Oh, hallelujah! Tun hong pai mi pawlkhat KST tawh ka mu hi.

Ka mangthang ngei a, tun kei hong kimu,
 mawhsakna pan suakta,
 Zeisu in suahtakna hong pia a hotkhiatna
 bucing;
 Kei hong honkhia, mawhna leh maizumna
 khempeuh pan hong kem,
 Lamdang ka Honpa, phat un . . .

Tun i khutte lamto ni in . . .

Oh, lamdang, lamdang, kei tungah Zeisu,
 Thukuppih, Kilemna Kumpi, Thahat Pasion
 pen Amah hi;
 Oh, kei hong hon, mawhna leh maizumna
 khempeuh pan hong kem,
 Lamdang ka Honpa, Ama' Min phat un!

²¹⁴ Amah na it uh hiam? Oh, lamdang! Si tawh kidim Tuikhuk, mawh neite khempeuh in a launa uh, mawhsakna khempeuh, Ama sungah suakta uh hi, kiphat ta hen. Hallelujah! Oh, ka, tua pen lamdang taktak hi!

²¹⁵ Tua la i sakkik hun sung, Methodist, Baptist, Catholic, Presbyterian, kuakua i hizong, hih la i sak hun sung, "Lamdang, kei tungah Zeisu," khatlekhat kinoh set ni, kibat lohnate nusia ni. Na thei, kei, tua pen ka deihdan hi. Hong pai un, i sak sa mah bangin lasa ni.

Oh, lamdang, lamdang, kei tungah Zeisu,

²¹⁶ [Siapa Demos Shakarian in Siapa Branham hopih a, "Siapa Branham aw, President Johnson tungah gennop kammal nei ing, amah pen lungtang na in zato ah kipuak a, ama' ading leh i gam ading thunget sak leng hoih kha ding hi." Mi khat in, "Minute khat ngak ni."—Ed.]

. . . lamdang, Zeisu hi, (Tua hoih ei.)
 Oh, Thukuppih, Kilemna Kumpi,

²¹⁷ [Siapa Shakarian in khatvei Siapa Branham hopihkik a, "Kei hong maisak in, hong maisak in, minute khat khawng nong tuaksuk nuam hia?" Siapa Earl Prickett in mipite, *Lamdang*, cih la makaih hi. Awkhumna kician lo. Mipi in *Nuntakna Gunpi Khat Om Hi*, cih la sa uh hi. Awkhumna kician lo—Ed.]

LST in, "Thuneihna a neite ading thunget sak un" ci hi.

²¹⁸ Vantung a om kote Pa aw, ka gam uh, ka makaipa uh President adingin lungkham in kisapna tawh kong ding uh hi. Aman hih thu thei ngei lo kha ding hi, Topa, ahizongin Na thei hi. Sanggampa Johnson adingin thu kong ngen hi, amah in Nangma sungah thu-um khat ci-in pulak hi. Tua banah, Pa aw, lungtang natna, in amah sat hi cih ka theitel uh hi. Kong ngen hi, Pasian, a nuntakna hong hawi sak in. Gam buaina sungah ka om uh hi. Tua ciangin Na Kha in ama' tungah hong tung sak in, Topa. Tu mahmahin, zato ah ahkl koikoi ah ahi zongin, Na Kha hong kumsuk in Walter Reed Zato ah a pumpi hong lawn sak inla, a nuntakna hong khan sak in. Topa aw, hih mipa haksatna nuai ah, kote theitelna sangin a khauhzaw nuai ah om hi. Tua ahih manin kong ngen uh hi, Pasian, thu-umte leh hih minam' khen khat hihna tawh, ka makaipa uh ading kong ngen uh hi, Nang in ama' nuntakna hong khansak inla, tu hun mahmahin, Zeisu Khazih Min tawh kong ngen uh hi. Amen. ✎

65-0123 A Kitam Tuikholna
Ramada Inn
Phoenix, Arizona USA

TEDIM CHIN

©2026 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Aituam neih Theih sakna

All rights reserved. Hih laibu pen mimal aa ding ahihkeh hawmkhiat ding, Zeisu Khazih Lungdamna Thu kizel nadingin a mawkna in kipei khia thei hi. Ahizongin zuakkik ding ahi a, website tungah koih ding ahi a, kampau tuamtuam tawh teikhiatna ahi zongin, sum bawl nading ahi zongin Pasion Awkhumna Kipawlna pan phalna om lopi-in kuamah in bawlkhia lo ding hi.

Theih behnop akl. ngah beh nop a om khak leh, hehpihna tawh hong ho un:

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

www.branham.org